

臨官政要

臨官政要續編目錄

時措

一為政

二持身

三處事

四風俗

五臨民

六任人

七接物

八禦吏

九用財

十農桑

農桑盛一

十一戶口

戶口增二

十二教化

學校興三

十三軍政

軍政修四

十四賦役

賦役均五

十五田政

十六糶糴

十賑恤

八刑法

九詞訟

七事
六簡

十二去奸

七事
七息

十一治盜

附錄

鄉社法

附朱子社倉事目

附王陽明十家牌法

臨官政要續編

時措

為政章

高麗顯宗九年定州府貢奉行六條一察民疾苦二察長吏能否三
察盜賊奸猾四察民犯禁五察民孝弟廉潔六察吏錢穀放失辛禍
元年教守令考績法五事田野闢戶口增賦役均詞訟簡盜賊息辛
昌即位趙浚上書請以田野闢戶口增詞訟簡賦役均學校興五事
巡察州郡而黜陟之本朝經國大典增為七事農桑盛戶口增學
校興軍政修賦役均詞訟簡奸猾息比麗制加詳矣為守令者常宜
体念

○國家興亡在於生民之休戚生民休戚係於守令之賢否分憂九重責任百里豈可徇於習俗而不思古循良之治乎率循軌度不尚奇異之謂循慈良易直不事煩苛之謂良知此二字之義則於為政思過半矣

○善為水者引之使平善化人者撫之使靜水平則無損於堤防人靜則不犯於憲章然則易俗移風服教從義不資於明察必藉於循良也

○忠公廉勤謹五者居官之至要忠則不負國公則不循私廉則心安勤則事辦謹則持身處事皆不妄矣

○凡為治當諳俗情今俗吏有三一曰勢吏二曰能吏三曰貪吏何

謂勢吏席勢怙權操縱由已方伯噤口繡衣斂迹而減稅防役或能
招譽何謂能吏善事權寵夸才銜能之辨無以為有能破東以補西
一意要譽何謂貪吏巧作名目百計侵民惟利是求專事肥己勢吏
不能為也能吏不可為也貪吏不忍為也無勢則謹法無能則守拙
不貪則廉矣謹拙廉三者其為士之本色歟

○為治當視交承之績而弛張焉仁暴廉貪寬猛隨其政而或法之
昔韓延壽守潁川反趙廣漢朋黨之故智而為和睦黃霸代延壽因
其禮讓之美俗而無異同此最可法也然交承之間契分亦重雖有
不善者當隨事革之無使有迹亦不可揚其短而稱已之能也

○近世名分散亂上下胥殘風俗之日偷國脉之潛削皆由於此矣

一種人創出抑強扶弱之論矯枉過正當慮貴之虐賤上之侵下而不患賤之凌貴下之賊上其弊之流必至於土崩瓦解而莫可收拾也

○今日國家之治久矣盛甚中否法久弊生吏安於姑息民扭於偷墮故欲為治者當以子產治鄭孔明治蜀之法為先而得其宜耳

○分符以後必先訪問所管之地幅員幾何面幾村幾四田結幾何

京田幾民戶幾何兩班幾軍卒幾何番軍幾正軍幾牙兵錢穀幾何

費用幾何倉舍幾面還上幾石吏奴幾名獄囚幾人進上幾件俸祿

幾斛關防幾所津梁幾險隘場市幾處學宮幾區書院幾神壇幾地社稷

屬冊城隍及佛宇幾何僧尼幾驛院幾何驛吏卒幾馬幾境接何郡

他祔禱處

佛宇幾何

應稅幾

驛院幾何

○附酒幕幾

境接何郡

民習何業

或農或工商

穀宜何種

或苗谷或田谷

土宜何物

或桑麻紙綿或峽產或海錯或果木

弊

之未革者何法訟之未決者何事一、詳問于縣吏及曾經前任者務以革弊安民為意而先思周詳之道至若官味厚薄官用多少等事一切不掛于口亦不可萌諸心然後庶無負於吾學而不失士大夫風旨

○為政當寬過則弛為政當嚴過則暴寬而不弛嚴而不暴然後可以濟事當於處事接物上體驗

持身章

居官者當先修身此身不修衆綱皆解修身以去嗜欲為先愛民以革弊政為首

○凡為吏太剛則折太柔則廢剛柔得中斯可以為政矣人之氣質不同過剛者恒以柔濟之過柔者恒以剛裁之謝氏曰須從性偏難克處克將去此事當隨事省察然後可以得之平居涵養之工不足則本原不固省察工夫亦間斷

○仲弓寬弘簡重夫子許以南面盖寬則能得衆弘則能容人簡則事不煩重則動不妄皆所以治人也

○公事之餘或讀書講究義理或閱文案求獄訟之情及錢穀支用

等事不可偷閑宴樂流蕩心志

○居官者官事為急當著意處決至若遊玩吟詩之類雖是清致亦當斟酌今世或以文雅或以高位出宰者多不事之以為吏治不足煩也卑事不足恤也置政事於相忘之域是誠何心

○食取充腹衣取蔽體妻子僮僕免於飢寒而已居官者輕於自奉而後可以及人緩於肥家而後可以為民 國家所以選擇而委任者欲其有所為也今以官物而營私門以國民而奉自己不知其他是果忠乎否乎故為吏者廉然後可以不得罪於民而亦足為忠臣矣

○官膳不可虛張詭毀致其豐盛世之厚自奉者託言官長體面不

可埋沒此俗習之陋也

○邑必敗身言能害已二者古人深戒且邑婢潜奸邦典有禁而近來守令肆然無忌至於罷之專房貨賂公行吏任之黠陟獄訟之立落莫不由是誠可痛悶

○心荒事廢莫過於酒恒存戒心切勿為賓友所挽而肆飲

○衙內奴屬切不可與外人相通犯則重治大凡人情逸則生奸勞則生敬常人之心本無定志安居無事久處逸樂則男鬪女淫弊不可勝令衙奴婢皆有定業勿令優游

○衙屬私人有干與政事者小者責之大者逐之必令公義私情兩有所行子曰人之不仁疾之已甚亂也

○守令濫竽有國禁蓋大同未行前守令無月俸故多竽子弟溷煩官舍不合於義今有月俸稍可以仰事俯育則家眷隨往固無害然當量勢處之已嫁之女不許竽去則兄弟妻及姊妹出嫁皆有所禁況他人乎

○奉親饌味外鄙陋肥已之事一切痛祛若將浼已事為舉措一切勿牽私情外人一切勿通于內、人一切勿通于外常使衙內嚴明衙眷飲食月朔計入自內供辦

○大明太祖諭羣臣曰凡居官者任之大小雖不同要皆盡其職而已昔范文正公居官凡日之所為必求與食相稱或有不及明日必補之其心始安仁人君子之於國家盡心如此朝廷豈有廢事天下

安得不治

處事章

清心省事居官脩身之要法古人曰天下本無事庸人擾之為亂此為喜事者戒

○無幹旋變通之才而有喜事更張之心則弊未及祛而民先受病
○今人本無才而居官作宰恐有不能之譏必欲做出一事不成頭緒未稍徒為弊而止焉不如不為之為愈也自量其才無可為則姑且因舊而已

○平居無涵養之工則事到頭來手足忙亂當於有事時若無事大事時若小事務令此心先有主宰不為事務所勝古人不動聲色措國家於泰山磐石之安者無他焉翕用是道也

○我國之人大抵氣輕而志弱故凡事不急迫則廢隳之為政者當自知之

○處事不可乘快而決恐有踈失酒後亦當深防

○甚喜甚怒常有過中之患故喜時處事慮有放縱怒時處事慮有殘酷古人曰喜不與人怒不答簡此蓋處喜怒之術也

○凡遇事之盤錯難解處思之又思求以義理思之不得姑舍之以待更思切不可率爾輕決取辦目前官雖有一時辦事之能而民長抱永世無窮之冤可不慎哉古人曰前輩作事多周詳後輩作事多闕畧居官治民當以闕畧為戒

○事雖千頭萬緒只有是非兩端之是而求其非之非而求其是

非之中又有輕重

○凡事必有脊梁脊梁一失事不得中假如兄弟爭訟兄雖曲先治弟此名教為脊梁也上下相闔上雖曲先治下此分義為脊梁也推之萬事莫不皆然遇事必占得脊梁則無眩惑難處之患

○凡所為命令及支用詞訟等一切可行者逐日記錄時、考閱以備遺忘而事畢後句之

○凡當一事必先立一綱如處事公為綱臨民愛為綱禦下信為綱任人明為綱用財節為綱賦役均為綱獄訟慎為綱事緒雖多各有其綱而勤而不懈又衆綱之總會也

○凡有事來若有畏避之心則事未必免而求難收拾古之名將當

羽檄交馳軍機事急之際皆能談笑從容應之有餘蓋有膽量不為事物所悞也如吳漢朱然終日欽々常如對陣曹操臨陣對敵意思安閑常若不戰此其所以能成功也

風俗章

為政當先察人心習俗之如何而施其教山川區別風氣殊異則留心世務者不可不知一國八方風俗思所以治之畿甸之俗嗇而薄趨利避害甚於賈人當以敦厚誠實而化之湖西之俗浪而矯偽作禮貌不入繩律當以持重忠謹而化之湖南之俗巧而佻面輸誠款背若楚越當以嚴恪誠信而化之嶺南之俗撲而野好行禮義易變風俗當以醇厚禮教而化之海西之俗剛而武恃力肆虐凌物傲人當以剛毅果斷而化之關西之俗恭而慧禮篤承順任事明達當以正直和易而化之嶺北之俗頑而暴性同胡羯業專射獵當以雄猛果決而化之嶺東之俗野而質樸直愿謹專務誠慤當以寬裕安靜

而化之八道之俗大槩如此至若導之以禮讓接之以忠信自處以廉謹則初無南北之異也大抵我國居天下之東木氣多而仁勝仁者多流於懦弱而姑息惟當裁之以義而已洪範六三德平康正直強弗友剛克變友柔克沉潛剛克高明柔克治民化俗莫過於此

○千里不同俗百里不同風或一道之內有山野海澤俗習之不同或一邑之內有邑里鄉村民風之懸殊且駟獮之地民心詐偽農穡之處民心儉質治民者或威克厥愛或德先刑後審勢而處之耳昔柳仲郢為京兆尹北司吏八粟違約杖殺之政弭嚴明後為河南尹以寬惠為政或言不類京師時仲郢曰輦轂之下彈壓為先都邑之治惠愛為本崔郾治陝以寬莅郾以猛曰陝土瘠民貧撫之惟恐其

擾鄂土沃民剽非用威莫可張詠治蜀初以嚴復來知民信已遂易嚴以寬此皆因俗而貴知愛也

○守令之任必當觀風察俗常使民間情偽在吾目前是以古之為守者必親巡鄉曲深山窮谷無遠不到此最當法當春秋和暖之際或當年分之時簡其徒從親巡各面或詢問疾苦或摘發奸慝或搜撫隱漏或班荆詢瘼於阡陌之間或駐馬決事於道路之邊或引鄉師講論經史或招面任遵行教令則不惟百事修舉風流亦自可愛

臨民章

為政者當以不忍人之心行不忍人之政如保赤子雖不中不遠矣
程伯子嘗於縣坐處書視民如傷四字又曰一命之士苟存心於愛
物於人必有所濟最宜體念

○古人言治不過曰愛民愛民有多般目前之害雖不可不救而當
思永遠之晷煦仁小仁不足為惠且愛之過而慢不從令亦非愛也
○人心之不順恒由於為上者激之也好善而惡仁人之性也好安
逸而惡煩苛民之情也善治水者因水勢而導之善治民者因民情
而順之苟違其勢則水必橫決苟拂其情則民必怨畔大學曰民之
所好之之民之所惡之之此之謂民之父母為治者當先觀民心之

好惡也

○斯民者三代之所以直道而行者也其善其惡由上之教導也今之為政者恒曰人心不好必欲以刑威脅之而人心愈不從則曰必殺乃已是不知政教之有不逮而欲與人心力戰人心其可與之力戰乎哉惟當盡吾誠而已

○於民恒存至誠惻怛之心行一事必察民心之好惡發一令必審民心之從違不已之求而惟民之從則民雖至愚久當知之民信我而後可以行教

○今之民心大抵不好故為守令者不究其源常以因民為主或以甘言誘之而終無實惠或以刑杖威之而不恤其怨試以糶糴一事

言之當凶歉之歲 朝家下半捧之令則為官長者宜曉諭民間宣
上德意而恐民觀望不納寢不頒布一例推剝合計都數為半則止
焉民之受惠不均而慢上令而欺下民甚矣推之萬事莫不皆然如
之何而令民信從也

○為政當以通下情為先務姦吏猾任每從中而沮格之又媚悅而
為之說下情何以上達乎張詠師蜀採訪民事無遠不知亦不以耳
目專委於人曰彼有好惡亂我聰明但各於其黨詢之詢君子得君
子詢小人得小人再詢則事無不審雖事有隱匿亦十得八九矣此
言誠然矣

○天下萬事莫不以人心為本苟失人和萬事皆非矣一縣雖小亦

有吏胥民人自有上下之體居民之上必須訶察人心使不至於違拂恣怨得人心其道無他我之心先以仁民愛物為主而刑賞號令公平無私則人心自悅古人云惟公可以服人

○文王大聖而視民如傷伊尹大賢而匹夫不得其所則若撻于市聖賢猶如此則以凡人而在安民之任者尋常慢忽而可為乎須將如傷若撻四字參於前倚於衡常自在之而畏威如疾民生庶可粗安也

○近世一種要譽成習故自好之士或矯枉過正若近於便民愛民之政則謂之要譽而却不為之噫自古及今為政莫過於便民愛民而已若謂近名而不為則是不幾於見放飯流歆者而廢食哉彼以

其名我以其實亦何用心於其間哉

任人章

雖百里之治必須人以治子將得澹臺而武城理黃霸任許承而潁川治宓子賤治單父有師事者有友交者有役使者彈琴不下堂而單父治有民社之責者當以是為急

○邑事倘得有識鄉所則事多有賴必取一邑之公論而擇之鄉所雖不盡擇而座首得操心公平之人預為聞見錄其姓名以去到官後徐々詳察時任者不合則好樣易之有事詢問取一面之公論擇風憲必取其公廉勤幹者為之至若約正里長輩別擇富民中勤幹者凡富民稍能畏法而知自愛辦事而鮮漁奪為之接遇異於凡民賞而勸之刑而懲之每以省弊便民之意諄々曉諭使洞然知我心

之所在

○凡任人之道任之則示勿疑之心然後彼雖犯過而知自媿焉愛而知其惡、而知其美然後無偏信偏任之患矣

○每面置風憲一員掌一面大小事民間訴訟之小者使之自決每月朔必論報吉凶諸事民物逃故若事關孝烈及民間急務軍國重事不時來報又置約正一人掌田政及收稅糴糶稼穡等事領將一人掌軍政及禁令追捕盜賊等事勸農一名掌官令大小傳諭期限督納等事其他各色名目盡罷之風憲若專掌面事有自擅隴斷之舉則時、密察以警責之大者罪之汰之若面有當報之事而不報有當省之弊而不省者續、督察之

○古語云勞於求賢逸於任人蓋任得其人分我勞事而已得逸矣
吏胥則各有所掌風憲各專一面官拯其綱而已朱子曰做官須令
自家常閑吏胥常忙方得若自家忙則吏胥弄奸吏胥忙則不暇作
弊

○為官者不可以私人為耳目賤人之心見利必趨求稍必與下吏
符同而其為壅蔽尤甚此不可不戒也今人或使親信人廉問而其
人未必皆賢則當預察之勿妄處事

○廉問一節不可廢古人發摘如神用此道也所謂吏校及自己之
私人若失操縱則為害不已必先使官校輩受拷音出送尾使親信
驗其虛實的知其然之後施行

○古語親民莫如守令而余謂親民尤莫如鄉所也昔完平李公曾
宰閔西一邑以治行第一陞為方伯人問政要公曰我得一人為座
首凡事問而行之吾何所為畫諾而已然則鄉所之任不輕而重鄉
所得人而任民事將官得人而任軍政官廳監官得人而任出納年
分監官得人而任田政為宰者雖坐哺而已可也一邑雖小其事至
繁不以任人而業行諸事則聰明之所不及吏乘而舞弄反為其所
賣矣國家以臺諫為耳目宰相為股股以大喻小則鄉所之於官司亦然矣澹臺之行不由徑非公事不入偃室是不過自守之士
非有才諳之可言而子將奚取焉蓋其心公正故有彌遠之助於國靜之聞知事物之情於耳目之外實無異於法家排士之有益於國家也當取其廉正自守之人而責以廉公省事必諮詢諸裨及留鄉我之不逮也近世韓監司社為濟尹每有一事必諮詢諸裨及留鄉
下至吏胥此可為法

接物章

接物勿論尊卑貴賤皆以敬為主事貴立信

○接物之道各有其則孔子於鄉黨恂々如也在宗廟朝廷便々言惟謹爾朝與下大夫言侃々如也與上大夫言誾々如也又曰正其衣冠尊其瞻視儼然人望而畏之知此則思過半矣

○彈壓強梁不以勢位而怵焉禮待賢俊不以卑微而忽焉

○為官長者喜人佞已此習不可長也衙眷愛我者也官屬畏我者也賓客有求於我者也故皆以譽言動我非理明而志定者鮮不為所惑矣張忠定公曰為政之道府吏曰治未也庶民曰治未也僧道曰治未也未若識見無私學古之士曰治斯治矣斯言得之矣

○接待上官必當盡禮凡事務合義理然則彼亦不敢凌我矣世有一種伉傲人不知等級多失體貌此甚不可語類直卿言子晦作宰不庭叅當時忤了上位此一節最可服先生曰庭叅固不是然待上位來爭到底也不是本朝金鶴峯素號剛正然為守令每聞上官至境必冠帶而候於公門云

○事上官雖盡禮至如為國為民有十分利害之不可已而可爭者不可一向英懦期於得請若不從則棄官而去可也區々升斗之祿初非輕重於我也

○與同僚相處貴寬若同官不賢以非理相干初以義理相辨而不至拂戾終是不悛誠為難處渠之無禮無關於已但以寬懷處之而

已若與之較末稍便是一樣人

○古人交承之間其義至重今則此道亡矣每求前官之短而暴揚之誠非厚俗若非大端干犯悖逆之事則務在掩護鄭公知和嘗尹廣州前尹坐贓下吏使公覈實公躬閱文簿得一事可為地者喜曰交承之義本如兄弟庶以此救其命遂力辨于道臣以減死論前輩處事大抵如此

○親舊在治下或大有所犯則不得顧私情然而處之當婉順示以不得已之舉如其小事則委曲言之而我之執公之心素著則彼亦不必相煩矣世人或於親舊別伺其譽欲以立威於他人且要不顧私情之譽此決是小人事也

○守令受命之日此身已為公家之有其所當為惟國事而已私囑曲徇一切當防預與親舊相約不可勉强從之又不可含糊不斷使有難處之端可也凡事有是非兩端惟求此二者而明之則可矣常愛諸葛武侯曰我心如秤不可為人作輕重又嘗愛包拯為政關節不行故時人語曰關節不到有閻羅包老此所當法

○親舊酬應誠是不易有則給無則不給惟使吾心無愧而已若一切以循人為意則必害于公且彼雖有求當以誠心待之不可作皺眉厭薄之色以絕其好也使公義私情兩有所行可矣

○人薄於自奉然後可以及人晏嬰相齊一狐裘三十年周恤三族齊國之士待以舉火者三百餘人范仲淹平生好施與置義田以濟

群族而身沒之日無以為歛豈不誠大丈夫哉近世韓監司社清儉自持而厚於恤族自宰全義時祭先塋局內旁親許多並葬者備送祭物曰自吾祖視俱至親豈有彼此豐薄之異終身行之此蓋薄於自肥故能及人如此也

○閭禁一節若太迫隘則反使至親切友狼狽道路是豈人情古稱門無停賓則何嘗有閭禁然而近來世道異古間有雜亂之人則不可無防限也

禦吏章

禦吏之道專在律已律已之道公清明威而已公則難動以私清則難誘以貨明則難欺威則難犯平心則公寡慾則清審察而是非辨則明莊默而賞罰信則威然而仁恕之政存乎其間

○赴任之後先明約束諭以義理國事之不可不盡民事之不可不恤貨賂之不可公行文記之不可塗改別為記善記惡籍如鄉約之儀頻々修勅褒善而懲惡則庶幾乎先教後殺之政

○李判書元禎為廣州府尹府吏皆其同姓也赴任翌日設宴於作廳作俗音秩吏胥所居謂之作廳聚諸吏之為同宗者與之歡叙臨罷申々戒勅俾無作過犯刑之舉吏皆感悅盡心奉公自相勸戒故治績最著云

○吏卒輩公事使喚外不可與交一言若數言則教未及行而淺深先為老吏所覘也凡官新到之初吏稍畏戢及其久而面熟則易至狎侮此最切戒當終始如一

○老奸宿慝當以誠信待之若以一毫虛假之心待之則彼之償我必倍矣古語云公生明廉生威公廉二字亦御史治民之大綱也

○薛文清嘗使一卒見其頗敏捷使之稍勤下人即有趨重之意遂逐去之曰當官者當正大明白不可有一毫之偏有則人必窺而知之此名言也

○居上克寬則得中聖人之訓也然而一例寬大權柄下移胥吏玩弄若權常在已何妨於寬

○古人為治民不見吏之在民間則擅作威福受賂作弊當無時點考隨發重治所謂面主人輩一例嚴勅若有受命出面之事則但定時刻若作弊民間而面任不以告則亦治其罪

○吏亦民也不可使之失所縱吏則剥民其勢不可不嚴而近來御下之失有二一則太尚嚴刻吏不能保一則一切寬縱徒為民害均之皆非也我朝制法吏奴無廩自辦衣食日役官門蓋闕典也官屬難支之弊必須變通其過誤亦須平恕惟欺官病民一切重論

○近來官吏貿易之弊輕給其價重收其物吏不能保夫官長禁吏剥民而自剥其利可乎此等事當隨弊釐正

○嘗爰謝上蔡宰應城胡文定過謁入門見吏卒立庭下如土木人

蓋其威信素服其心而然也

○奸吏誤官常隨官長政令而弛張之包極尹京歸為明察有民犯法當杖脊吏受賕約曰尹必付我責狀汝茅呼歸自辨既而引問囚如吏言吏訶之曰但受脊杖何容多言包謂市權杖吏特寬囚罪不知乃為所賣小人為奸固難防也

○官牌數出吏緣為奸或偽造當文書紛沓之際打印以出亦當詳察非不得已之事官牌絕不可出

○待官屬待百姓切勿先事憤疾而有罪無罪必待事發然後治之待百姓愛為主待官屬嚴為主雖主愛不可不使之從令雖主嚴不可不使之支保至於待品官則不親不踈

○官婢輩只令點考依例執役不可使之隨聽

俗之目前給使謂之隨聽

亦不可

使通衙客若無大賓客及故舊遠來有相歡洽者不可使之執樂前

列

○雖猾胥奸吏我之自處有足以畏服其心者則不能肆其惡矣徒嚴亦不能行昔韓延壽吏違約誓痛自刻責吏皆慙悔魏霸吏有過先訓之不改乃罷之或稱他吏之長以激之吏皆懷慙息訟此皆以德化人之術也

○簡默為禦吏之要術朴錦洲炆為南原府使新迎吏私通本府曰年少兩班不言不笑兀然危坐其中不可測云當時傳以為笑蓋默則未易窺測故也然而遇事糊塗惟默是務則黔驢之技久當自露

○鄉所得人後郡吏能否專委鄉所使之察舉教誨而成其美呵責以止其惡雖有作奸犯科者如其痛自懲創則不念舊惡以開自新之路如有欺瞞官司凌蔑一鄉唯務封已一任侵漁誨之不悟罰之不悛者則舉聞官司治之如有事官以正察任以直不偷官物不為民弊者則鄉所亦當伸於官司為戶長為吏房為好任俾其久於其任以率其下以厲他吏可也

○郡邑之吏率是凡民中翹楚也不可一向勒之以法亦當導之以教擇其年少有才識者教之讀書皆有課程決訟類聚無冤錄等書亦使之習慣才優者超擢授以優任以勸勵之

用財章

財用居官之大節官家逐日用度浩繁凡財穀雜物日々以撙節為心刻意節用若潛放意則用度輒乏當慎之

○官廳雜物捧上時親自捧上切勿高重切勿漁取濫用於私事

○凡財用量定一年經用排定十二朔有閏則加一朔當朔用度必於當朔

排定內用之而又於其中分而為三每用一分於一旬之內而常以量留剩餘為主切勿盡用若朔用之絕預先籌度凡事以節省為意切勿侵犯後朔所用一番犯朔補空甚難脫有違礙之事將何以措手邪此弊不可不知財用心量留剩餘然後可為不得已酬應之資及應愛之物

○前日守令無俸祿而有耗穀故粟谷送趙汝式序有三分耗穀為

之節度之說

一分以供衙屬一分以供使客及應親舊之需一分留為贏餘

今行大同法守令皆有

月廩而耗穀所用亦三之一

一分上巡營故也

亦依右法月俸三分一

為衙眷所養一為使客支供及親賓所用一為凡百應費而耗穀恒留以待不時之用可也

○諺云作官如雇工今日雖居官而未知明日有何事也到官之初

量留財物先具夫刷馬價則無臨急狼狽之患

○所謂重記

俗以日用下記都合數為重記

每旬一修雖有意外遮罷之事無俺留

窘鈍之弊執鞭徑歸豈不輕快

○用財之道太濶則難繼太嗇則近吝取中甚難一縣雖小若於自

已事一功尚儉而節用則歲末所餘可以有為若營立私門則雖日八萬金常若不足一功好事都做不得

○居官問遺當給親舊之貧窶者而以應用所餘為之切勿侵用官物亦勿多備稀貴之物媚悅權門以圖後日之階為識者所唾罵

○廉財之道恒由於搬挈往來送迎結托造器用蓄珍異及其用盡奸吏因緣務合其意誘以生財之道剝割百姓巧作名色其弊百端不可悉舉為官者素受其汚徃々知而不問又有矇然不曉財賦之利病而受瞞者曉者樂與之合以致侵盜官物掊剋民財可勝歎哉

農桑章

王者之政務農為先是以舜命九官播穀在敷教之先孟子論政學校居制產之後洪範曰既富方穀論語曰既富矣教之管子曰衣食足而知禮節商鞅制墾令僇力耕田漢有力田科道無王霸而以農為急其揆一也大典曰農事耕種須早除草須勤守令勸課趁時耕耘且助不給勿差役勿徵發觀察使考勤慢殿最又曰各面置一勸農官擇勤謹者為之用心勸課勿使陳荒病戶田令族親及隣里耕耘勿使陳荒其立法之意至矣近世勸農之政徒為文具而無實效東人詩曰九重雖下憂民教州縣傳看一虛紙可勝歎哉

○為守令者當依法典各洞置勸農官一人

一面太廣巡檢難
遍故今從各洞

擇富

實勤幹者差之除他繇役使之專意務農官與之約曰田有陳荒則
罪耕耘失時則罪穀種不給者汝則告官而給之有牛不借者汝則
告官而治之堤堰之合等者預先筭之溝渠之合修者及時修之如
有不能則汝有重罰列書約條使勸農官看署依捧招例歲之考其
勤慢行勸懲之政大典獎勸條云力業特異者每歲抄本曹啓錄獎
勸如農桑種植畜牧之類 祖宗朝務本之政蓋如是矣

○務農之政以牛為先當申明牛禁曉諭非牛難農之意擅自屠殺
依律重勘境內之人以牛買賣必有勸農官手標然後許之無標者

以盜賊論

列邑皆用此法則牛盜絕迹矣

○令各洞勸農官有牛人戶皆為成冊當耕田之時使牛主先耕已

田次及於無牛者假如某村為十戶耕作之田為十結有牛者三人
無牛者七人則勸農官量定日數使之次々起耕々畢後報官云某
村自某日始耕至某日畢耕水田旱田早耕晚耕至根耕及綿田皆分等各報官時々廉察
或以暇日親巡阡陌之間招問本村之人驗其能否而賞罰之宋制

縣每歲載酒出郊迎見父老諭以竭力耕田之意此意甚好當試之

○春耕夏耘以其大綱言也地有南北之殊故農有早晚之異當隨
其風土而為之然而常人之情徂於緩忽恒有後時之弊寧早無晚
寧急無緩農之政也土脉始開皆可耕種耕種之法不厭太早則耐
風寒秋而實蓋先受土氣立根堅固故也假如所莅之邑俗以某節
為早種之期則官當令務農官先期十餘日始耕至本俗始耕之期

而止焉則萬無一失矣

○每歲正月各洞差出勸農官一歲農政預為區畫於未及耕耘之前而救旱之術莫先於水利古堤之頽廢者及小小陂塘之稍能儲水處皆令本洞民先期脩治若役事浩大處則告官發民修治

○唐末張全義尹東都白骨殺地荊棘彌望居民不滿百戶全義遣麾下十八人、給一旗一榜使詣十八縣墟落中植旗張榜召回流散勸之樹執諸縣戶口率皆歸復桑麻蔚然野無曠土出見田疇羨者下馬與僚佐共觀之蚕麥善收者或親至其家悉呼老幼賜以茶絲有田荒穢者集衆杖之或乏人牛召隣里責之由是比屋蓄積遂成富庶凡後之蘓息荒餘勸興農桑者當以是為法

○欲興水利莫先於水車水車之制莫先於泰西水法其法簡而易

行當令有巧識者講求而行之若水道底而田野高則置車于水口

車傍量定民戶使之運激

萬曆間西洋人熊三拔撰水車五法一曰

二曰玉衡車引井泉之水三曰恒升車引江河之水小則溉田大則灌城
用九速五曰水庫雖高峯山城積水如積穀既為之說又為之畝名
其書曰泰西水法其用至簡而易行
誠利民之寶器也文多不能備載焉

○利民之具農桑同功而農則或勸桑則獨歇後甚可歎也種桑分

大中小殘獨戶自八十株至十株種其籬下及田畔勸農官督察計

數申報近來人心至巧官或摘奸則折插桑枝苟瞞目前恬以成習

終無實效如此者報官科罪凡種木十月為上

建亥之月為木長生故也解凍後

次之每春秋下帖申飭摘奸

○大典諸邑漆木桑木果木條數及楮田莞田箭竹產處成籍藏於
本曹本道本邑栽植培養外方定禁山禁伐木放火每年春栽植稚
松或下種培養歲抄具數啓聞違者山直杖八十當該官杖六十其
立法之意可謂嚴矣然而近來專不舉行山無成林之數木無拱抱
之株海野之邑終日行而無一樹蔭之可憇者誠為寒心為守令者
宜自官府始官道兩傍列植槐柳松檜之屬使傍近人守護凡於路
傍每三里或五里植槐三株以為行旅休憇之所桑木外百果楮漆
凡切於民用者督令栽植其木利所出民自用之官勿侵徵之意曉
諭民間且為約以示後來者

今則大同法行而果實柴木之類皆有其價則尤不可侵於民

湖塘之

種蓮者亦然

○橘渡淮則為枳大抵種植有南北之異然而不計南北亦有栽種之得宜而成者不可一切委於風土之不同而聽懶民之所為也李生曰今之山城盡高巔生利頓絕或謂多樹棗栗漆許民為園而盡去雜木其意甚好然山城易以淺露為人窺覘今海松長茂與松無別有實可以資生四周樹養又可以蔽護也

○畜牧種菜亦當申飭牛馬之外鷄狗之屬亦令畜養繁孳薑芋葱蒜茱萸蔓菁蘿菹凡為人可食之物令分畦種之芋菹之屬多則致財貨亦能救飢

○境內如有起墾或堤堰灌溉處當訪問耆審及時為之以利民為意後世制民產一節難以遽言惟此二事可以興行我國鴨綠以東大抵皆山故值大旱無連城數十里赤地之慘蓋處々溪澗足能灌

溉也惟湖南右道一帶平陸連海而川流受潮鹹不得潤田所以堤堰獨多於湖南也柳磻溪曰湖南碧骨訥池黃登等堤皆其最大而民利甚博廢棄已久若復脩治則嶺上七八郡永無凶荒流亡之患不惟民利無窮國稅亦增豈非長策哉嘗以此語于監司曰今值凶年當給粟募民不必調發丁夫救災興利一舉兩得監司不能用南人至今為恨云

戶口章

國典每三年改戶籍一從家生次第以五戶為一統有統主每五統有里正每一面有勸農官增減年歲者當身有罪六名以上統首里正等并有罪漏丁十口以上漏戶五戶以上守令罷職五十戶以上守令定配偽增五戶以上守令罷黜其法甚嚴近來統戶次第紊亂偽增漏戶亦多當緩急徵發之際何所取信哉

○為國之本在周知民數民數不周事不均一事不均一雖欲興治不可得也是以周禮周知萬民之數以分九職司寇獻民數于天子天子拜受之其敬重也如是矣今長吏式年上籍時亦當拜而送之以重其事

○為守令者必先知戶口之多寡民產之豐番然後可以辨真偽而
行教令矣下車之初傳令于各面風憲覈實成籍而令鄉所督其事
務要安徐有漸毋致卒遽擾民

雖士夫戶下漏於
本籍者一一收錄

籍式某面某里某村某業某姓名年幾何土著則曰土著移來則
曰某年自某所至父某、業母某氏某地某業某之女兒兄弟某、
同居則曰同居別居則曰住某地妻某氏某地某業某之女子某

某業婦某氏某地某業某之女

孫侄
并同

女某適某地某業某人

姊妹
同

寄客幾人雇奴幾人牛馬幾頭田畝幾結

田幾日耕
畝幾斗落

幾結永業幾

結佃作稅穀幾石身役幾斗隣保某之家皆以隣比相次為籍每
一村為一小籍一面為一大籍合為一卷常置左右時、考覽則

民間情偽可燭炤而龜計矣

右亦有團結法五家為統、有首二統為甲、有長十甲為保、有正合

衆保而為面、有風憲以相歡愛以相糾察然後可以一衆心而齊風俗誠固國禦侮之要術詳于下附錄

○朝家以戶口增為能故為守令者不能從實查檢而委之面任必以比摠為意務張虛戶自歸欺君之科可為寒心且差役頒糶之際為弊大矣宜盡查覈必先明其禁

○近來漏戶亦多三南尤甚土豪兩班及執權鄉所戶下所居成聚而八籍者甚少宜嚴申禁令使漏戶自首否者報司科罪土豪輩之養戶掩覆者論以重罪一、查出後附于元籍之末名續戶待後式年成籍時入錄此等節目必威令素行可以行之若舉措失當易致騷擾慎之

按綱目元魏孝文帝太和九年陰附者皆無官役而豪強微歛倍於公賦魏用李冲置三長法豪強不願而課調省

十餘倍上下安之蔭附即我國土豪之流也守宰數易武斷恒存故
官吏可以欺長上不敢違土豪之令遂倡江流石不轉之語謂官長
雖去而土豪則長
存也可勝痛哉

○若欲申明籍法各面所在統記及民間戶籍沒數收入于官家即

令風憲招其各里頭人等從實書之耕作多小則書負衿記可以

考驗

亦有為人并作者戶雖富實面無衿記者此則申勅面任

如有一毫欺弊則各別重治少勿

饒貸籍畢後委各面書負與本統記考准統記所錄者不入則亦論

罪考准後原統記及民籍還給考准時該吏當於面前為之以防奸

偽

○籍法既成民入官府時或乘暇慰籍問其生理豐薄及家眷多少

潛自記之可以驗其真偽矣

○古之人發奸摘伏如神無他道也籍法明故也程子為晉城令度鄉村遠近為保伍使之力役相助患難相恤而姦偽無所容聞人有殺人者先生曰此某村某人也問之果然蓋保伍法素明故也

○戶口之增無他術只是除祛苛政而行勞徠安集之道安集之道亦無他術當諄々曉諭于坊曲曰汝族屬隣里之或被侵或難保而移居者當令還歸々則限幾年復役使安其業否則汝等亦有罪新集之戶亦加撫字近來上下之不信久矣官雖有令民慮見欺人心向背惟在于信

○宋蘇頌知江寧府每因治訴旁問隣里丁產多寡悉得其詳一日召鄉老更定戶籍民有自占不實者必曰汝家自有某丁產何不自

言相顧而驚無敢隱者一縣以為神明大明葉春為惠安令作政書
禮耆老毀淫祠建社學立保副長統各鋪丁男使司防禦之事以為
知縣者一縣民物無不周知乃稱其名故丁無官私老幼咸登于籍
蓋無事可以行教化有事可以備什伍始疑後畏更信之巨室或有
小過必繩以法故令行禁止古人為守重籍法如此

○每朔風憲論報人物死亡

雖兇少死亡本統首
告風憲風憲轉告

有無狀及有流民

欲居者皆申報書于續籍

教化章

易曰觀乎人文以化成天下人文有彞倫次序尊卑上下親疎等級
因人之有是文也而教之則可興文明之俗

○董子曰漸民以仁摩民以義漸摩二字誠教民興俗之要若我之
誠意未孚於民而徒規々於儀文之末則民必駭笑為官長而務教
化者必須躬行而立信於民古人曰作牧之道亦易亦難其身正不
令而行故易其身不正雖令不從故難

○今之言治者必曰政令明而刑法嚴若務教化則民心不古卒難
興行此言似矣而實非何者教化政刑本非二事教化其體也政刑
其用也用可行而体不可行者天下無是理徒行其用而不行其体

則民之所從者顏而不以心所服者威而不以德故為治必以教化為先若委以古今之異宜則是亦有不然者歷觀史傳當天下搶攘生民塗炭之際亦有務興教化而民信從者豈係于古今之異宜乎顧無宗德可以行此矣

○教化之政其要在於一身而其法自鄉約始古者自比閭族黨皆有教養之術蓋臨民近則其效尤速

○韓延壽為左馮翊有昆弟爭訟者延壽曰是吾教不行也閉閤思過於訟者相讓房景伯為清河太守有婦人列其子不孝景伯之母崔氏曰山民不知禮義何足深責乃召其母與之對榻共食使其子侍立堂下觀景伯供食未旬日滄泣乞還卒以孝聞教化感人

速至於如此蓋秉彛之性人所同得故也何必一以箠楚鈇鉞而威之哉我國寧邊民有棄其父老聞趙靜菴行鄉約法即日迎父教化之畏服人心如此

○興學校為教化之先務而洞里之鄉約成而學校可興

○到縣日訪問境內知名之士誰為年德俱優誰為才學兼人誰為操行卓異或就訪或書問盡其禮敬而請為師表且令洞契之人皆設書齋擇定訓長日課教督每月朔輪選二三人詣鄉校主倅與之同行謁 聖禮畢設講筵課其所讀講論義理以行勸獎之術才不足者不必嚴譴誠心誘掖而作成之責專委訓長

○每釋奠後一日聚境內生徒春試製述秋試講讀製述自小兒之

古風至儒士之詩賦疑義各出試之講讀則歲初預先指委所講之書初年大學詩傳兼小學次年論語書傳兼家禮又次年孟子周易兼心經又次年中庸禮記兼近思錄然則不四年而四書諸經並通四書三經則使之成誦其餘則潛思熟講而小學家禮為日用人倫之尤不可闕者餘外通鑑綱目之類隨其才之所進而勸獎大抵先經而後史務求實用

○莅官之初即當肅齋祗謁于社壇及鄉校遑歸時亦當辭歸鄭寒岡每出守必行此事其告由祝文在本集可考

○近來列邑社稷壇多失制或壇壝非度或門牆頽圯或無齋室一厨廳及他屬壇城隍具為事神祇之所事体至重當考求制度急為釐

正者祭祀之日守令必親行前期齋戒不可令亞官替行祈雨等事亦然而必致虔誠務使神人交感女御之屬一切屏去

社壇樹以松栢及土所宜

○境內淫祀一切禁斷至於城隍自官常祭外不可令民庶煩瀆金監司緻觀察嶺南毀太白山神祠李濟州衡相在州焚廣壤堂當時稱快此當為法凡民俗之浮誕奸究之乘間莫不由此為守令者當知其弊

○境內名賢祠宇孝烈墳墓必致祭過時必式以致尊敬之意其頽圯者修治之嚴禁樵牧李奎報墓在江華鎮江山權叅贊禍為留守時刻碑立之六臣墓在露梁果川界李翊贊壽願守衿川時立碑置

守塚二戶此近事之差強人意者也

○國家養老禮所以成孝悌之教者也守令必体此意春秋和暖之

時集境內之年高兩班限七十常民限八十

近來冒年者多必別勅面任以本年查告

設

庭內外以別男女士族婦女之不可邀致者必具盃床定吏監送遠里以米肉量送亦可

○一坊政教必待洞約之行而後可以易行赴任後詢問洞里有無有則收其洞憲約條之未備者釐正之弊政之未祛者省革之與本洞所居士族商議而務順民心無則設立約條勸行之秋後農畢親巡各洞講約行禮如儀行之一二年民心有相孚之意則行鄉飲鄉射之禮或會一境或於各洞而講定儀式留歲契中為興行之地

○教化之政不在於空言惟在於實效今世守令間有敦孝勸弟之令而小民不過一笑而止焉為官者亦無申勅行勸懲之事如之何使民興行也親巡之時一意振厲與長老子弟講論經史次召風憲課其能否次召諸任及至統首等詳詢民瘼務以通下政為意諄々勉以風俗淳美之道至若入孝出弟救災恤患等節一遵洞約違者有罰

○洞契之設觀本面民戶之多少而定焉假如一面五百家則或半之為二契或三之為三契若契戶零星不足成樣者則必與契中相議或合或分不可段々零碎分裂不齊也

○風化之政專委執綱俗稱尊位詞訟之類專委風憲小者任其自決大

者呈官而專委之久亦必有武斷操縱反為民害之人如此者痛繩以律某人為嶺南某州赴任後與曾經鄉所及時任者議選各面風憲而擇其稍能自立者為之招集諭之曰我與公輩等位雖懸其為國臨民則一也我總其綱公等總其目惟以便民革弊為事各給一杖以送曰如有犯罪者當以此杖杖之若因此有憑公藉勢之事則汝亦有罪又於各洞執綱令禮吏作告目上下人之通書于上者謂之告目使持洞約約會某日相與講定節目同遵一教而惟以導俗興化為意一洞之政專委之時、廉察而警勅之治未半年風化大行獄訟自簡此蓋得為治之本也

○鄉里有善行者獎之大者報司小者或給復或免洞役隨輕重定年數或

給酒食有惡行者戒之大者自官依律治之小者使其洞治之而可以報官者執綱移帖于風憲使朔報告由終一歲而村無一善之可旌者使民俗羞恥之焉

○四孟朔作諭民文一謹書使知善之可行惡之可去每々申諭無令怠忽以為勸懲之道無使犯而後治之自歸曰民之科

軍政章

國典物故老除勿論歲首歲末即為代定成冊至歲末都合一年內
充定之數磨勘啓聞春夏作農之際括丁不便則預於歲末搜得閑
丁捧招成冊及至春後隨闕充定 先賢後裔除奉祀孫及四王子
孫大王孫嫡派外限六代充定軍役或稱文成公安裕後江城公文
益漸子孫箕子後裔者康熙壬戌以前免役外并勿許減 四父子
軍役無論同居與否從自願一人減除疊役者減其後入之役其代
官得代定 凡軍十六成丁六十一而除中間立役四十五年

○國典歲抄不及期限守令推考降資鄉所色吏徒配有差 水陸
軍歲抄全不充定守令罷職

色吏並加
論下并同

歲抄脫漏十人以上守令

罷職至二人以下杖八十 擅便移定十五人以上守令罷職九人

以下杖八十 違法除軍七人以上守令罷職四人以下杖八十

年加二十人以上年減二十五人以上守令並罷職隨其多少定罰

有差 作散軍士及保人雜類移定二十人以上守令罷職九人以

下杖八十

漕水軍子技移定陸軍同例

軍兵以生為死以存為逃虛稱篤疾冒

出公文避役容隱閑丁者雖一名守令罷職 非軍籍時擅便移定

守令三人以上罷職 有物故老除而仍為徵布者勿論名數多小

守令罷職 軍士四十五年立役後許除容顏不為親審守令罷黜

○軍政國之大事而搜括人丁天下之大弊也大擾大奸皆在於此
雖官長神明難免此弊況當大荒札大軍祿之後人丁凋喪何由得

充在明者時措之耳

○今世閑丁誠為難得為守令者常々留念如得一口隱漏者錄於別冊勿委他人漸次充定勿令騷擾於民間此為善策而為之甚難校院生之落講者他邑民之移居者戶籍中冒稱免役者當着意查究別錄

軍政之要莫先於籍法見戶口章懲勵示信則寧有不括之理

○令各面風憲本面逃故每朔論報各於本籍名下懸頓而雖小兒如入軍籍則統首即告面任以為報官之地若有欺蔽弄奸之事統首及面任論以軍律

○官自得定難充闕額則每年七月望念鉏役始畢令各軍色吏抄出逃故廢疾廢疾者官必親審後許除而令有頓者子孫族屬潛告

良丁隱漏某之姓名某之子居某里年幾歲細書緊捲直納眼前
守令親受錄之一冊云某代某人進告某人不委下吏發牌捕致依
法捧招次之開錄于小冊捧招時只令兵吏書簿緊藏之捕致時稱
以逃躲捧招姑遲則該吏及面任差使等一切重治被訴者或稱功
臣子孫宗室後裔兩班殘微呼冤不已察其真偽勿為定役更使密
告者再納充定時屏左右只令該吏近前親自閱簿量其人役相當
次第充定付標著押無使踈漏文書修正時出給下吏趣使磨勘勿
延時月則吏無奸濫之弊民免騷擾之患矣

或使面任進告或使本
軍所任進告皆當隨時

試之

一說七月望後知委各面風憲面內各軍有頃十分查實狀報
于官即遣親信廉問若有詐偽各別重治更為查報後令各項軍色

吏按其文書為二件一納官一給吏令有頃人族隣密告可合人充
定而擇其里中實戶一人懸保捧招著押色吏輩修文書時在于衙
內為之令親信者監其事限磨勘前勿令出入以防奸偽此法亦宜
而面任奸偽亦難一一詳察 一云先抄迹故廢疾等有頃數令面
任密告代充則官無紛拏之患然而權移面任奸謀疊出納賄操縱
其弊無窮且令面任充定則或居間弄奸以一人充定此役而又搜
其人之名更充彼役及其點考之際亦捩服被點當察此弊 一人
為某縣邑不時召各面風憲屏去左右使入室中各賜酒慰問曰軍
政大事若或失宜則公私俱不便尔等面內民丁萬無不知之理各
進告了此大政尔等亦當有賞否則有罰云云諸任當倉卒臨問

之際不暇弄奸不得已如數密告遂得充宐而民間不知此亦一試之術

○今日軍額之難充其孔不一土豪留鄉輩之養戶校院生之額外僧居士之逃役各司奴婢之投入者各里富人之賄免者無慮數千而凡有一勢可依則莫不攀緣投迹軍丁如之何不縮也為官長者當知而查出

○今軍士老除者多不得老除帖物故者多不得物故帖故或白首從役或白骨微布此無他情債甚多奸吏操縱而然也赴任後令民來呈查其虛實後論報上司或親詣時陳告使出帖免役誠為濟物之一事而近來以閑丁之難充因循玩愒可勝歎哉

○國制郡邑無兵是法之不善也是以匹夫跳梁列郡瓦解損國家之威而長賊人之勢專百里之責為奔北之將天下豈有是理哉今各邑惟以吏奴作隊此所謂市井油滑之徒平時無操試之道則臨難何以禦賊乎此外又有官軍官屬本官收布私用初非為軍制也此流既屬本官則當各作隊預備咒服團束部伍為應變之用庶乎可矣然而當此黨論橫潰吹毛求疵之時以私試兵卒為罪亦可怕也當量勢處之務得其宜

軍籍額外餘丁常
默察臨亂抄用

○各色軍兵之在境內者當以同里同面次第編伍勿使散定各面臨難庶無奔走呼召之患先以此意論報上司行之成東洲悖元為報恩倅時有倭警朝令而夕發盖用此道而平時號令素明故也

周官

伍兩卒旅之軍即比閭族克之人平時寓兵於民管子內政之法亦猶是也

○為沿海及邊地守令者海道便否開防利害亦當素講隣國動靜隨機密察如此等事當募得一種人物而有重賞然後可以得其力海邊則別定候風都沙工厚其生利以待後用

○津梁關隘必謹糾察大小過行有足可知者各處酒店差定有司即令告官亦令譏察往來之非常者古者關市譏而不征今日則蕩然無節非所以固國之道也

○器械為臨難捍禦之用近來列邑軍器只委監官之手無精利之實所謂兇械不利以其卒與敵也當親加嚴飭火藥焰硝等物尤為緊切平時宜多儲畜

賦役章

夫兵民之出財以納官者謂之賦出力以趨事者謂之役俱載國典當依典施行而如有偏苦過歛之事思所以均之

○國典凡田守令每歲九月望前審定年分等第田分六等堡田加

耕田隨起隨稅海澤初年免稅次年半稅田稅一結米四斗大同叔

米一結春秋各六斗三南關東海西三手糧米一結一斗二升此田

賦之大畧也其法詳載國典山郡作木三南稅米一石三正海西米一

石三正田米一石二正半太一石一正半○作錢米一石七兩太一

石三兩田米一石五兩○江原嶺西無舡路邑作麻布稅米一石三

正半稅太一石二正半三手米一石三正○諸道田稅上納時每

石加三升倉役價六升上納原數雖過千石倉作米無過二石

○各色軍收米及各司奴婢身貢皆有定數當依典舉行而收捧之

際宜當申勅漕運一節尤為慎重當考法典舉行

○國典田稅收米之則可食米木則正五升三十五尺廣七寸麻布同軍布准六升四十尺上納木一匹代錢二兩

○舊時民役種之懲捧如粘米赤豆蕎麥荏子之屬不勝其繁孝廟時宰臣金堉因先輩所論之議建請立大同法民甚便之而官需在其中臨時磨鍊收捧油清紙地亦以米買用惟雉鷄柴草冰丁依前役民不入作米中而非勅行時則不得再徵著於續大典

○民間柴鷄等雜役變通之道若收之民戶則戶有大小吏緣為奸且遠里之民輸運甚難不若定以民結一定不易之為愈也是故各邑亦多行之民以為便此已然之效也若其已行之邑就其中求所

以便民者未行之邑詢問民間曉諭便否每結收米四斗或小減或小加量其費用多寡以定而要不出四斗内外自官實用一坵收之於民者皆設廳以給若京司貢物之例優定其價然後可以永久遵行而吏無呼怨之弊

○既以田結定雜役則 陵行舉動時所入及勅使所需水政水庫修理灾傷紙地夫刷馬官舍修理等類雉鷄柴炭夏月青菊油清魚物貿易外皆當量定

○差役一節常為民患土豪武斷猾任弄奸巧者免脫拙者鴻罹有不均之歎籍法既明則按籍量定使之輪行兩班單奴寡居無丁者外一例施行 一云當令各洞勿論入洞不入洞皆為井間成冊納

官當役時量定所用幾名明示本洞之任面任該吏軍收價黠陟者

查出重罪

每有役民事踵遣親信廡同隨發嚴治

○軍丁逃亡者一族下別遠近親疎分明分定勿委下吏濫雜侵徵
○民稅之納上司或移轉之納本官者該府吏操縱故情債倍入此
流官當親去監納無為其所慢

○各邑大同一半留庫以備不虞廟堂之長策為守令者當窮春民
飢之時私自發賣實錢數百千兩秋谷既登市直甚高然後分錢諸
吏從市價買米則本色充入之後所餘亦至數百千石欲邀功償者
稱以別備瞞報上司猥添金玉之糜欲肥其己者舡輸馬載求田問
舍以為飽煖之資或儲置大同計其一半敢出私用又以一半倍

利給民之之飢困者不獲已受出廵命秋後倍徵以充本數 水柴
官家需用之物而不可闕者也一邑之民計田結多少隨例備納而
或者使邑內軍丁伐水刈柴有若丐役者一邑水柴之價計米徵納
或水柴之價遠面以米捧納近面若干責納水柴水柴或不足使
入番官屬輪回刈取雖若便好其瘠民肥已則一 上司各衙門米
谷當納者守令或親自上京稟報堂上受文狀還官買錢防納雖似
便好買錢之際有無限不義底面目近來貪吏之種々惡習如此
○谷邑賦役其規不一勞逸亦異當使之均一無使有偏苦之患可
也孔子曰不患寡而患不均蕭何之法亦若畫一民之賦役不可不
均也間有猾鄉奸吏循私越次專務利己者當嚴察而痛禁之大小

賦役率皆大同出定至當

田政章

大典凡田灾傷陳田並聽佃夫告勸農官勸農官親審八月望前告
守令守令踏驗報觀察使灾傷妄冒者許人陳告一負答一十每一
負加等至充軍妄冒田給陳告人花利入官守令則十負以上罷黜
其法嚴矣

○大槩治民之道田政最難一手虛着民害不貲都書院必擇廉正
者以付敬差官及巡營磨勘之役各面風憲亦為各別警勅持田案
俗稱冊行與約正及各村頭之人逐庫踏驗詳錄某人灾幾負陳幾負
審案冊川落幾負統合一面都數封上于官即令本面書負各筆所掌面
各面
書負不為分送只令打筆本面所總之于都書負通勘作結量出徭
上文書分遣書負有討食之弊

役布諸民戶使皆知之田政既委面任則亦不無弄奸之端每一字
五結定出字首一名又與統首兼察若有現露妄冒者皆依律科罪
曉告坊曲使知畏戢毋徒虛聲恐喝使民玩法面任軍受命時與
之約曰田政大事國法至重一負妄冒皆有罪今若隨其愛憎任意
加減汝則有罪不分灾實循例塞責汝則有罪虛灾報官從中幻弄
汝則有罪皆令捧招納官箴之驗其勤慢

○田政之術大槩六月分定各面書負整頓田結文書封下各面風
憲八月旬後各面風憲踏驗如上法九月打筭磨勘十月作結量出

徭役此田政之良也

今列邑或以四結作夫或以八結作夫各定戶
主使之納稅戶主多厚歛于民依法納官自食

其餘間有為獎不賢者當於佃夫名下
各為給記書當納之數使之自納為便

一云依例差出書負而不

遣踏驗別定善打筆者數人筆出一字五結內陳幾結幾頁起幾結
幾頁字、打筆總錄其實數幾何陳頃幾何次令民書呈單子二件
列錄某字田實幾何陳幾何灾幾何嚴飭面任一時收納次令書負
以單子叅驗量案攷其虛實印單子一件留官一件出給田主使自
知之次令書負打筆作結主倅總其實數某面幾百結某面幾千結
一邑都數幾萬結而已則書負無所用奸而民無呼冤之弊此亦妙
法而人心至巧屢行則必見欺一試之可也 一云循例拔遣書負
踏驗抄出各項卜數類付本主名下未及作結各面書負文書不時
星火收入次令渠更修文書促令作夫以初修文書叅考再出文書
則奸無所售此亦可以一行而再試必敗 一云主倅總一邑田結

實數幾萬結不出書負只令各項面任踏驗作兩件文書一件上官
一件面任自執各里擇解事善打筆者自作結上官主倅以元數叅
考各面結數則可以無誤此亦可一試 一云只令民抄災頃處呈
單子不出書負實數則不復踏驗自官直抄作結亦甚輕便云此有
不然者上今年災實必相混此法不可行也

○各邑田政其規不一或令民自為單子或使書負逐年踏驗二者
均有所失單子則民有掩覆之患踏驗則更有盜隱之弊俱無善策
然而王者之政寧失於民則論二者之得失單子為優况令嚴而法
峻摘奸而查治則民亦不得以弄奸矣今亦有一術秋穀向熟之時
不時差出各面書負促定日限使之急、踏驗其行審冊及衿記即

令納官更令民為單子亦急期納官與衿記有差誤處即為摘奸以治其罪次年亦如是而或先受單子或先遣書負使吏民不知官意所在則不得不從實記之矣然不可累試累試則吏民符同有受賂妄冒之弊在官長量察而審行之耳

書貧下送之規令民單子立法甚嚴平日隱漏者恐致生事皆從時起懸錄總得結數比前甚多一人為湖中某邑亦不出書負受民單子結數太縮不如出書貧之時此必有其故為官者苟求其故可以知其利害矣

○大要守令先執量付元實數精察其損益之術則萬不差一也而任踏驗文書封上後或令佃夫狀告或親巡一二面抽牲踏驗以為覈實之地而論其切罪

○田畝大槩有初雖量付而因入墾陳荒處有峽中一二年起耕而

還廢處有海邊量付時起而淪落成浦處有量付時起而成川處有
因潦水頽敗永無田形處有潦水後雖有田形而禾穀蕩然無餘處
有水旱後雖存穀草而直立不秀處有海邊鹹水決堤沉入不秀處
有秀後因風災全不掛鎌處如此之類不可徵歛而戶曹時或一依
量付而不給災頃民生之困實由於此 又有初因八莢陳荒後因
遷墓還起處有量付陳而量後起耕處有浦落年久還為泥生起耕
處有成川後川道變移還為起耕處有水災覆沙年久還起處有雖
被災而無大段不實處有三四分災稱以九分災處有火田畔姑留
若干陳荒踏驗時依此瞞告懸陳處有舊時官家田今為民買而混
稱免稅處有田畔片々陳荒而量後浸々起墾補入元田變亂田形

處如此之類不可不察而奸吏弄巧輒為私藏田結之縮大抵由此

峽中山火田隨起隨廢增減收稅舊陳處今起及浦落泥生川移

還起之類限三年勿稅量田時雖是薄土若入瓦舍則例為一等後

日家撤村移仍受一等之稅甚為冤抑還屬本等以弭民冤可也

○我國田制與中原判異中原以頃畝定田而隨年豐歉稅有差等

頃畝同則地面大小相同無論土地饒薄農夫三指三二指二為一

百步為一頃我東以結負解等而空裡升降以為等第結負雖同地面

大小懸殊量田尺恰為今布帛尺二尺長地長廣一尺為一把十把

千字文為次田有六等每等遞減十五如長百尺廣百尺積萬尺為

一等一結之地遞減十五則二等之地為八十五員三等之地為七

十員四等為五十五員五等為四十員六等為二十五員把不滿六

者棄之以六等一結之地比一等一結之地則其大四倍此所謂結

數雖同地大小不同此田制之別法也大興年分九等隨歲增減而其法今廢
欽法蓋重於舊矣

○古者山林川澤各有其用今火田甚多使草木不得生養禽獸無
所依附蓋非先王之政也

○近來貪吏田政時刻責書負片土加耕入墓陳荒成川落浦等搜
括無餘依定數上司磨勘後筭其餘結則大牧千餘結小邑六七百
結所謂田稅大同混同磨鍊一齊捧納元會付上船之外其餘自然
消耗愚蠢者祇何以知其然哉

○道路橋梁不可不及時修飭鉏役畢後大路各其田夫修飭之里
中委巷則里中合力修飭之皆當先時指委而各里任奉行不及時

者論罰霜降後橋梁即令修飭使行旅利涉

○國典各道之里息數依中朝例周尺量度

三尺指三二指二為一尺用農夫手

六尺

為一步三百六十步為一里三十里為一息每十里立小墩三十里

立大墩

墩面刻里數地名

當依法為之而今以五里十里為定各占地便宜

處更樹槐木使之成陰為行旅所憩

糴糴章

我朝還上

春出米貸民秋還上于官故名還上

之法未知出於何時

經國大典無還上條

而生民

之愁歎大抵由此春散秋斂刻期督捧與宋青苗法雖有錢穀之不

同而其害無異議者謂依大典京外置常平倉而以還上元穀為本

使郡邑各鄉置社倉以賑貧常平社倉常為表裡權在于上而無甚

貴甚賤之時利在于民而無移粟移民之政如得其宜誠制國之良

圖也

高句麗故國川王令每歲自三月至七月出官穀以賑貧民始家口多少至冬還輸以為恒式內外大悅此東方還上之始

○國典豪強品官不償至十石當身囚禁五十石以上配邊守令拘

於私情不即囚禁啓罷守令反作限年定配

作俗音秋反謂翻粟料理

以未捧

為已捧不計多少徒配搜錄年條與虛錄同罪

○每年依法折半留庫以半分給而十二月念後選貧民從自願成
冊分給以為卒歲之資報于巡營受書目正月亦從願分給自二月
望後始以統次分給總計所餘都數以麥前為限從人口多少分為
大中小殘獨五等每月三巡分給農節漸迫民事轉急則次々加給
俾為農糧詳細磨鍊俾無窘縮之患

豐年則五家統計石分給
年則拔去富民只錄貧戶 若

值麥凶無以接新則又報巡營七月間又量緩急分等救之

○若郡大面多一日三面次々分日若官吏或面任或士族品官等
濫錄富民受出米穀以為兼吞之計事覺則報司刑推或有呈狀請
別穀者勿許或有他官士夫以私囑呈巡營者得營穀而來請者一
功勿許本邑之穀邑民輸納而失之他人此一不可也及秋督捧之

時行移他官事甚紛拏二不可也若遠面別倉太守勢有所拘不能親出只使監色分給而監色等濫錄富戶契亂文書私自取用事覺則以盜賊論農節已晚無種子不能耕者抄出別給染病出幕出入不自由者遇火災或盜賊者并抄出別給

後反庫之意見
露者即徵充數

比各邑吏私給別還之契
有之必先勅以分給

○分給之際必親自開倉檢察只令庫子與所受民出穀斗量嚴禁奸濫或抽牲已受者斗量少縮重治庫子

○盡給後即修分給文書二件一送于面任輪示各里或有虛添加錄處即許來訴改正一入官前色吏只持本文書以為秋捧時參考之地

○外倉或時親檢不可專委監色

○秋捧自十月朔始九月望後以十月朔還捧之意報巡營受書目

糴穀必捧精實者若郡大面多亦一日三面次々定日期以十月內

必捧

近來守令寬猛異政或有始無終官令之下玩愒成習雖云十月內畢捧民觀望不納不得已次々退限官令誠為無宗之空

言當嚴令申官文書更不出送只定日限出牌督納面任以夏間所

勅必行乃已給母子考點催納畢捧後母子還納

○收糴時預為傳令私債及香徒私契之類一切嚴禁諭以先公後

私之意若未畢捧前犯禁者債主嚴治

○若值凶年則前期開倉自穀初熟為始督令續々來納而申々諭

勅勿使緩忽致有未稍督責之弊退溪先生與鄭子中書曰國穀雖

不可不徵毋以必取盈而加忍人之政乃為善也今人不知此意恒曰國穀、誠國穀民非國民而民與穀輕重何如哉量勢而審處之都在官長之能否爾

○兩班土豪之拒託不償者使禮吏告目諭以為民先納之意此所謂以口舌代斧鉞也不從而後刑杖隨之某人為驪州牧使有一宰親族及奴僕所食至多其人即謁宰相言其所由請以其庶族中一人為督納之任不數日畢捧云

○官吏官奴面任輩或有稱以動令俗稱求請曰動令漁取民穀為克糴之計先為申勅不從者刑推

○各邑還穀雖精捧於民而至春分給不惟減縮太甚糠粃過半此

皆色吏庫子輩弄奸搜出捧上後色庫受拷音俗以捧招為拷弊復

如前則刑推

且聞捧上時邑內人每觀望不納末後以劣穀入倉分給時自擇村民之精納者而以劣穀給村民其狀可惡

欲革此弊當預令各面各村所納石內皆插牌書云某村米某村租邑內則云邑內當分給時考牌出給時此弊可防矣

○近來催科之政必以多出所任為能傳食閭里到處成群其弊不

少矣各邑名目宜一切罷之各村定一頭目以富實戶差出使面任

考察而督責之官令若嚴一面任足矣不必在多

○朝家以必捧無逋欠為意則守令不可不奉行而逃亡無徵處同

姓限八寸異姓限六寸若無族屬同里徵納

○捧上之際監色庫子每以濫捧為意令民執槩自量落庭看色皆

有定數務從畧小餘者還給

○分給捧上之際多備酒食要路射利者別定所任譏察嚴治

○謹權量國之大政而近來此法解弛斗升大小面不同當量官

斗大小

方幾許高幾許從內面出據

分給斗樣尺寸于各洞使之依樣造斗納官

烙印使公私市上皆用此斗違者論罰烙印之時必印四面及腹板

○若年凶官許代納則國典大小米相代俗以稻米為大米粟米為小米或秬田米

代大米則除耗

每一升加納一合為耗

米一石代太二石租二石七斗五升小

豆一石七斗五升

國典以十五斗為小石二十斗為大石官用皆小石俗以大豆為太

小豆一石代太

一石四斗粟租一石五斗黃豆一石代小豆十一斗二升五合粟租

一石三斗

黃豆即太豆

租一石代黃豆十二斗稷黍米相代菜豆小豆相

代葛秫荒租相代真麥正租相代

○近來貪吏或還上分給之數報上司受書目後不即散給只擇飢民若干量以升斗俵給若干潛散賈錢秋後散錢賈穀充其本數餘悉私用或未秋捧而徑罷則手足絃露悲夫可知所措

○為守令者赴任後即召前官所任各倉色戶長吏房及留鄉及庫穀數以知見存之數使所任軍着名告巡營為留上文書以為後考之地及其遯歸之時當召各吏及庫使知見存之數以傳交代可也

賑恤章

凶年賑恤為政之最難者周禮荒政十二條及春秋傳所論盡矣

並見

上卷當體念之

○時有盛衰物有成毀天有旱澇之不均穀有貴賤之相凌善觀時變者亦可以推測矣必先事周旋以求濟荒之術

○都計倉穀元數以為限麥分給之資而穀如不足則報于巡使請得本邑儲置米又不足親進巡營面請他邑穀物以足不足之數然後始事二月抄出無田土應死者計口分給輪以十日

民困特甚則雖自歲前賑

恤可也

三月添抄二等飢民分給從其口老少以計四月又抄三等飢民計口分給五月節晚麥出稍遠限十日分給無土飢民或他邑流

離者以別備谷白給

太守月餘米還上耗谷國家元會報不入者謂之別備

分給日禁酒肉列

肆販賣者

○正月望後擇邑中士夫或品官中廉幹者定為賑恤都監專委賑政若能料理得宜盡力求濟者具由報司以為償功酬勞之地若不為盡心有死亡監色各別重治

○恤賑時每以面浮者為限面雖不浮豈無濱死者乎此不可以一槩論也且先王之政哀此惻獨今兩班家寡戶貧而無依者不能施菜行乞以自養深居不出雖至餓死人誰知之此最先廉問申勅救之

○廣建茅舍聚處飢民令免露宿之患日給料米男丁一升女丁六

合老弱五合而不可塊聚一隅使長怠惰之習必令男或折薪或織屨女或挑菜或夜績各因其技稅而役之工價所得官無與焉李士亭之蕝宰牙山時嘗用此法云

○二氣乖和必致飢荒故飢荒與疫癘必相并行且飢民久聚穢氣所蒸必生疾病矣預謀醫生鳩聚藥材以為治療之地可也又選巫覡使之救護

○飢民成冊時面任吏胥族屬切隣有不當入而入者或受賂分利而濫錄者各別摘發重治監色輩和水於賑谷弄奸偷食者一例治之

○救荒如避亂自古無善策蓋已失圖於可為之時

平時使民務本蓄積

而欲

救於不可為之後故也然就其中而論則古所云散財薄征弛力等事是第第一急務而薄征弛力尤為要焉蓋賑民一斗米不如蠲其所納一升也此在民間親聞之言非空言也

○境有饑荒必減官膳衙眷料米等物不令出賣乘時射利

○荒政弛禁亦有至理蓋歲飢民困不遑他事惟以濟物為意若種種法禁一坊緩而勿迫使民有所措

○募飢民興工作亦是賑飢之要術朱子亦曰募飢民興水利一舉兩得范仲淹領浙西吳中大飢吳中喜競渡好佛事公縱民競渡召令諸佛寺興土木之役又新吏舍日役千夫監司奏劾公乃條所以宴遊興造皆欲以發有餘之財以惠貧者貿易飲食工技服力之人

仰食於公私者日無慮數萬人荒政之施莫此為大遂著為令

○穀少民多不足以周則各面抄富民量其貨產厚薄定給本里飢民使之周恤隨其多寡高下施賞近世歲或一饑則為守者抑募富民之粟名以賑飢多歸私橐彼誠何心

○別備公物近來守令之巨弊國家或值荒年使守令各自別備別備之道非剔出官穀則浚民膏澤而巧作名目侵虐萬端甚者多至數千石名雖為國半歸其家是自上使守令瘠民肥己也間有稱以米代租米代太荒租鹿太分給貧戶秋後以米徵督民莫敢抗自以為得而不知天誅鬼責之隨其後悲夫

○地雖有疆域之分而民本無彼此之異他邑民之以事在境者亦

當存恤或無以還業則資遣之

刑法章

刑法雖不可不嚴亦不可不慎為官者當量情輕法重情重法輕務求其中不可乘怒決罪不可過聽人言若一誤著致傷人命豈不可惜微罪付過重罪囚禁後徐思可否公私之別而處之今俗官長有付過之令此正好意昔有李某者戒人曰為人上者下人有罪重可治須勿遽斷可遲留若經宿渠之情實可得而吾之喜怒得當可免倉卒傷人之患此說可法康誥曰要囚服念五六日至于旬時丕赦要囚亦此意也

○今之為官者赴官之後先以刑杖立威未稍解弛使吏民窺我之淺深而我之政刑亦不得中誠可笑悶夫刑之輕重隨事之是非而

而安有始終之異徒刑亦不可以服人心

○人之資性不同上品之人無以議焉若自量智術淺短不過謹守法令有所依據劉元城謂馬永卿曰漢書云吏以法令為師有暇可看條貫不獨可以治人亦可以保身此為名言

○國典條章粲然明備經國大典前後續錄受教輯錄續大典大明律用法之書也決訟類聚無冤錄疑獄集決獄之書也為吏者常考閱而習之

○濫刑之律邦典甚嚴國家之所以選我而治民者將欲為民也非使我為酬怨快意之地當慎之

○愚民犯法固可矜憫是以大典有恤囚條 先王好生之德至矣

為官者當体此意獄囚常々軫念病者救之飢者贍之隆寒盛暑尤

當加意歲時亦給酒食存恤焉

獄吏獄卒侵徵一節詳察嚴治

○近來各邑滯囚甚多由不卽踈決而然也狴犴之中豈人一時可處之所若有非罪而被拘尤非可矜者乎以此冤氣上結流為灾沴為官者赴任後先納囚徒論其輕重卽々踈決可報上司者報之自處者自處之年久疑獄亦當盡心究覈不可率尔處決自衡其能而使民抱無窮之冤也

○禁令一節赴任之後明示民庶使不可犯禁之而犯則法非其法也古人令行禁止非他術也條約明而立法信也今人或慢令而致期或不令而猝禁使民不能措手足此所謂罔民也嘗觀一人為守

素無禁令猝然使將校手指松禁傳令周行閭里無不犯禁富者賄
免貧者被罪十家之村九家騷擾是何景像

○今則官家禁令徒為吏任輩納賂之資當詳察而行之


○牛禁松禁等類元犯上罰統首面任中罰切勿收贖或有病牛代
立告官松亦分揀枝葉元榦大小之別亦有籍此而濫
法者當察之

○官有一令一事必有弊隨其後當隨事廉察而治之

○討食索賂之習誠為今之痼弊軍校吏胥面任輩常、申飭明立
禁條犯則必罪民間生利若海邊魚鹽峽中蜂蜜果實之類一切勿
侵

○重刑之下辜多誣服蓋死是領吏之痛而箠楚之下肢體殘裂之

痛有甚於死故也萬曆間大盜朱國臣臨刑告曰凡訊獄不可不謹
殺某與某者皆我也當時坐死者皆冤吾不言誰復為鳴之於是追
問按獄者免侍郎翁大立謫郎中徐一忠噫此雖細事可為刑獄之
至戒酷刑交下血肉糜壞胡辭謊說無不八證一登案牘無不據以
為實寸、尺、有添無減轉成無罅之完供一入畫地無復奈何古
今橫罹枉死者何可勝言向非朱國臣一言冤死者無以追雪而翁
大立輩為燭奸之能吏而已噫李先生嘗言家有奴為刑吏号善譏
入深谷割勢致死即令奴密捕不日得有訴官者云兒子為人誘
對曰人之外腎治天庖瘡是日見路傍有尿者知其有疾而酷杖果
服夫國中病瘡者亦多何其巧值之速耶殘
刑之下忍不誣服者幾希治獄者當体念



詞訟章

聽訟之時先以一箇公字撐拄胸腹不可一刻暫忘

○聽訟當求義理之至當而不可以先入之言為主

○聽訟雖以公為主若在我之權度無以稱度則處失其中是以君子大居敬而貴窮理也

○周禮五聽、訟之要法或有菴愚不能自理者詳之

○所志隨來隨捧

俗以民之呈狀為所志

令民必親至官前呈牒不可令使令

輦捧入而洞開窓戶使無所蔽然後民情可得以察矣宋制訟訴不得徑造府吏坐門收訟牒包拯為開封尹即大開牙門人徑至庭下自道曲直吏民不敢欺

○完平李相國曰白活則所志畢後專意詳聽

白活俗音皆型口訴之稱○下五條同

○一日內白活人隨到累次進來聽之聽時每停雜公事而聽之一人累白活者亦詳聽至於二三度終不可聽者亦出送

○所志白活勿為付送而這之推覈決之可許則許之不可許則不許勿為迂延

○訟事所志則隻人推捉後始訟捧拷音依法例為之不開相訟則兩邊推覈後所志粘連立肯題給於勝者可也自願依法例決立業則听立肯決折則勿捧作紙依官式決等則依式捧作紙或水或紙隨自願捧之而亦勿点擇

○所志令下人讀之亦可收取其案上自為立肯手書亦可成給及

退所志續、出給民人而所志甚多則積二十張或十餘張後即、
出給不多則或六七張或三四張即出給

○所志辭緣關重者則紙筒置簿

○聽訟式

始訟

隻人推捉後
捧始訟俋音

元情

兩隻各列是非
呈文謂之元情

文記現納

文記憑閱後封印元隻著名捧俋音還給本主 文記後日更納

時又招完固俋音開封

文記先後

入籍與否

違格斜出

奴婢
掌隸

院家舍田畝漢城
府非財主所居處

過限與否

期限考
律文

違格與否

非父母內外祖
父母妻父母夫

妻妾
之類

可考文記比對

文記塗擦

印後加書

證筆族親

婦

人圖書憑閱

印迹憑考文記成置年月與財主身死年月相考

文記成置年月與財主除職見在月日異同

他司作文取來後考

粘連處有奸偽及俋音異同事摘設立案內決折堂上即廳在官年

月及名署憑閱

奴婢父母及所生次第姓名異同

家舍統記田

畚衿記憑考

佃夫所耕單子謂之衿記

呈狀日斜出日立案日凡作文內俋音

日國忌及有頃不坐日相考

歸農停訟時作文元隻同封踏印捧

俋音庫坐待秋更決

○父母兄弟倫紀間有關風教事則發官差亦當

○決訟之際官吏及訟隻或有符同受賂眩亂文書睽乖訟体之事

而太守未得覺悟致有抱冤之弊則必先知委于各面風憲秘密論

報以為科罪之地

○凡干大小訟事未決訟隻或納請簡為太守者即退斥勿聽訟

○我朝奴婢以世之法雖非三代之良典而既為通行不刊之法則紀綱之所係者不少若逃亡的實文案昭然則不可托以推奴一切防塞也

○近來推奴一節便成一政為官者輕易開路則推者雲集考閱帳籍追捕紛拏民必騷擾官又日接賓客公事有闕漏之患當量勢而處之

○以奴婢隱接來告者則使之自為捉告申明執捉付官之法其或隱接事狀分明者則時或發面掌執捉然終不得捕則許接人侵責微貢事不可輕易為之

○世惑堪輿以偷葬為能寒門單戶有冤莫伸為官者當不顧利害

依律勘處

○訟獄之重莫過於殺人境內如以被殺來告者則卽發刑吏猛牌同元告秘密跟捕犯人但勿令騷擾不奸遠隣守令卽馳往初檢報監司檢屍規式在無冤錄此冊覓得預為講究

○詞訟難決必靜思之不以聽訟為先而在乎盡心不以集事為急而貴乎方便

○聽訟往々有至親爭財或告訐而不知恥者勿論彼此曲直先以至誠誨責使之悔過其有狠戾不從者不為聽理然後偷俗或可少變爭訟亦可漸息

○決訟切忌稽留吏緣為奸蹊徑囑托皆由於此當詳察事理考檢

文卷覈其本末速決之若稍懶惰不勤則事誤矣

○決訟之際猾吏奸民尤當詳察若輕信吏言則奸民遺賂以曲為直間有子弟衙客與吏符同譎張浮言眩亂是非至使鄉民抱冤莫伸豈不哀哉居官者常思上之所以責我者何意下之所以赴愬於我而求伸其冤者其情何如公心處之非特在己無愧亦可謂後日子孫之福矣

○鄉中等狀或廉善或治惡者則即更為詳覈重者報司輕者自官論賞罰

○決獄之際事變千端奸偽百出苟非明者何以得情啞嗑離上則曰利用獄豐離在下則曰折獄致刑蓋貴其明也用明之道無他端

或聽其聲而知之或觀其色而知之或詰其辭而知之或訊其事而知之惟此四者而已蠢愚而不能自理黠詐而文飭為能者舉無所逃矣

○鞠情之術惟在於誘贗所謂贗非謂拷掠慘毒也要在中其忌諱使之悚然畏服

○治獄如用兵用正而不得則不得不用權用權之道宜密而速否則現露矣

○推事有兩端一察情一據證然證有難憑者則不若察情可以中其肺腑之隱情有難見者則不若據證屈其口舌之爭兩者迭用各適其宜而或證有難憑情亦難見於是而用譎以摘其伏然後得之

○凡有奸欺必有缺漏推覈已至其情自露惟盡心者能之耳

○訾奸不可有意有意則心有所偏奸吏亦乘而招權矣

○凡善覈奸者必善鞠情也若不得其情則後必翻異而奸人得計矣推覈之際戒在踈略故漢史稱嚴延年治獄文案整密不可得反此雖酷吏無足道惟此一節可取

○治獄尚嚴明非若世俗以苛為嚴以刻為明也持循事理照察物情之謂也

○刑獄人命所關一筆誤下死生立判不可偏主已見不可虛信流言不可率爾決斷取辦目前和凝有言曰潔誠齋戒冀獲佑於上穹銑意墳典思有得於遠古無此二者用以折獄無難事矣

○殺獄之起者最為難辨夫人相殺苟無讎怨若不因財則是因色

推此二者足以得其人矣然所以察知者皆不過色與辭之間惟聰

明者不可欺也

天下之惡莫甚於殺人漢高之三章箕子之八條皆以此為首人之所惡莫甚於死而況被冤殺哉近觀

民俗之情則官吏檢覈之際需備甚多故或受賄於律害教敗法莫之私和乎第而不報父兄之仇為官而不正殺入之律害教敗法莫大矣官當優忠被殺之家莫埋諸需

大不至於蕩產則私和之弊亦絕矣

○近世某郡人士多會于佛寺僧徒苦之至與之格鬪一僧被杖而

倒僧唱言僧死矣士人一時逃散有一人致命於亂石間俄而僧倒

者復起而得士之死者髡頭被衲作僧樣告官、重勘衆士人而死

人之家不覺誤以為逃罪也後寺僧相鬪頗洩言覈之果然噫其詭

亦巧矣誰能知之以此求之則訟獄之如是者非一二治獄者當推

類而察之

去奸章

去奸之道明新為先明則能察物斷則勿競假

○耶律楚材言於元主曰朝廷去一歹人則天下治一縣去一歹人則一縣治一鄉去一歹人則一鄉治養嘉穀者先去狼莠養百姓者先去奸猾赴任之後必先問知某人為土豪大姓某人為執權面任某吏為招權樹黨如此之流根究必治

○漢吏為治必先抑豪強反得其力所謂上德之政鷹化為鳩暴虎成狸是也宋吳芾知隆興府地廣多盜大姓武新鄉曲為良民害公繩以法不少貸曰狼莠去然後嘉穀蕃吾非得已也董槐安撫江西視吏侵賦下教曰吾莅州而吏猶為盜吾且誅之吏乃震恐願自新

奸民猾吏務先鉏除

○近來名分類敗上下胥殘鄉曲士族稍能自立者則吏與民必流言曰豪強此亦當察無為所慢而墜其名分

治盜章

洞約法明則盜不能容王陽明十家牌法亦去奸之要術也倣其法而修明之可也

附二法見錄

○赴任之後嚴為傳令于各面明揭治盜之律曰若不改過則必當遠遁勿留我境又時々令風憲申勅間出譏察場市酒店各定伶例

將校密察之

近來所謂密封筒受名之規良善者亦多被誣不可全信

○守令若不嚴治盜賊則為良民者不得安其業面任來謁之際或境中士子往來時詳問所居面內何者為荒唐人何者為好聞人何者為使酒人審得其實後按籍而標其名或還上受授面民聚會之時或官自巡野之時招致面前嚴勅誨諭先事防備亦去盜止聞之

一良法也近來牛賊甚多賊徒多賣于各官賈販之所官吏雖知其為賊而利其價廉多所誘賣為官當申勅牛主買賣分明毛色叅錄論定其價然後買之

○後魏李崇為兗州刺史州多盜崇命村置一樓懸鼓盜發亂擊旁村始聞者以一擊為節次二次三俄頃聲聞百里發人守險要盜發輒禽漢時長安中桴鼓警盜其法當如此後人當依此法為之亦可今時或有每村設幕每夜巡警面任時々申勅官差數々摘奸而盜發不止蓋法徒設而怠慢乘之故也

○五代柴周時竇儼治盜之疏宋淳祐間黃勉齋隅官之法誠治盜禁奸之良法酌宜而行之實無古今之異故錄于左

竇儼疏曰令盜賊自相糾告以

○今原野山谷間地曠而土沃者隨處有之。人雖欲居而孤村單落盜賊為患故也。誠使盜賊不行則良民安土而廢地多墾。

○今原野山谷間地曠而土沃者隨處有之。人雖欲居而孤村單落。

○周禮荒年有禁盜之令凶年飢歲盜賊肆行良民受害尤當詞察立法當嚴禁之於未然也然而愚民作盜求生雖不得已而擒殺亦有情有可恕者曾子曰如得其情哀矜而勿喜

○國典捕帑者與斬敵同賞蓋其為民害則數與人等耳近來官長利其皮而薄其賞民何以辨命於不可測之地而與猛獸格鬪哉此

當如法厚賞而激之皮當還給任其賣則民爭勸矣近觀守令或有

令村里設檻穽愚民之民不能善其事沮悟可笑終欲無實此有一術令將校輩各掌一面講究設穽伏弩凡所以捕帑之術無不博採擇其最善而從之使校輩檢察而行之有帑害而不能捕者將校與當里之任受罪能捕者則將校升任里任免役勸懲分明則庶乎可矣

○近來法令不行人情狃習官有一令則民有一害為官長者不可

不慮其終矣官家設令各里之有警盜幕及捕席穽是法之當為故
官長不察徒一切申勅而百端巧偽專在于猾任終歸討食侵漁之
端可勝歎哉

臨官政要續編終

臨官政要附錄

鄉社法

此即古鄉遂之遺意也歷代施行雖修廢之不同而至于明猶存焉觀于劉宗周保甲之說可考矣說見續此制成而後可以

遂生養可以行教令可以同風俗可以止獄訟可以弭盜賊可

以禦外侮而聖王之治興矣我國鄉制不明古以人戶定鄉如周禮二千五百家

為鄉管子二千家為鄉後世又以千戶為鄉之類是也我國之面即古之鄉也不以人戶而劃地以定故各面人戶多寡不同

不能一如古法故此因今之宜而倣古之制略具條錄于左方其儀節之詳在乎當世修舉之君子云

一鄉社之籍

民
土著 流寓

士族

品官

中庶

庶人在官

良民

公私賤

工匠

軍

戰守及國家有事
外一聽有司節度

御營軍

商賈

僧尼
妖僧禁

化士

倡優

巫覡

流乞

奸細有查凡流乞面任查其
來歷冬月官養之至春移文本
邑遣還歸農願留者聽其生理
死則埋之義殘疾送入養院

禁衛軍

騎兵

摠戎軍

步兵

東伍

各保人

牙兵

列邑雜色軍

漕軍烽燧軍之類

五家為統、有首擇統內良賤中年長產優者為之總一統之政

而聽命于甲長

統必以隣比相次為之零戶隨寄戶有戶票

二統為甲、有長擇甲內良賤中智慮勤幹者為之總一甲之政

而聽命于社正

甲必以隣里相次為之零統隨寄統有統票

十甲為社、有正擇社內中庶中公正解事者為之總一社之政

而聽命于鄉師

社必以村里相次為之零甲隨寄甲有甲票

聚社為鄉

今之面也

鄉有師推鄉內士族中齒德俱優者為之總一

鄉之政而聽命于官司

稟蓋隨宜社有社票

一鄉社之政

一曰火燭相誡

二曰盜賊相禦

三曰憂患相恤

四曰喜慶相賀

五曰法令相畏

六曰租賦相謹

凡一戶有事四戶趨之一統有事九統趨之一甲有事九甲趨

之一社有事諸社趨之小事聽鄉師處分大者聞于官各統之內有善而不能舉有過而不以聞者鄉師各罪其長而罪在鄉師官又申勅或因事受賂一錢以上即以盜賊論

一統之政統首署之一甲之政甲長署之一社之政社正署之

一鄉之政鄉師署之各皆受押以達于官

若依令置各面風憲則奉行官令管察文

書今風憲掌之一切教化第訟委鄉師決之鄉師若有報官者則當具由直報

一鄉社之教

一曰孝順父母

二曰尊敬長上

三曰和睦鄉里

四曰教訓子孫

五曰各安生理

六曰毋作非為

右六條 大明太祖聖諭也頒示天下令各甲每日一申飭簡其

不肖者教之各社每旬一申勅簡其不肖者教之各鄉每朔一申

勅簡其不肖者教之

今添入夫婦禮別兄弟友愛二條似好四益
鄉師會社正甲長讀法而申諭之我國金

思齋所著警民篇亦騰
一本令民俗遍知之

凡每鄉立鄉學以教鄉中子弟詩書禮樂射御書數達于成德每

月朔輪選二三人太守與之詣校謁 聖後課試所讀及製述

凡每鄉旌善有錄記過有籍

兩班則副尊位掌之
常民則社正掌之

每朔會衆時宣

之

凡鄉有孝烈卓行之事條達于官本戶給復各長論賞有奸細盜賊等事亦為條達于官本戶嚴治匿不以聞者各長皆有蔽賢容奸之罪

一 鄉社之禮

冠

并依文公家禮

凡官民服色冠帶房舍鞍馬上賤上可以兼下不可以僭上

昏

并依文公家禮

不得論財嫁娶必時

喪

并依文公家禮

禁浮屠神祀法

祭

并依文公家禮

飲

每春秋社日各社正會其甲長出錢米少許賽于土穀飲福

于社

隋唐之制百戶為一社今每社必設社一所

請鄉師莅之行鄉飲酒禮

射

每月朔望士習于學宮齊民習射于別圃

射圃必宜于社傍

庶人在官者習射于公署農民每以農隙習射皆令能教不

能而官與鄉師提督之

使善射者定為射師或行鄉射禮道

路男子由左女子由右徒步者讓負乘成人者讓瞽疾

教場

每鄉就一寬閑處為教場設壇定教師選軍民教試諸般

武藝能者中選

讀約

并依文公增損鄉約禮

月旦會讀

一鄉社之養

農田

隨土所宜

水田

旱田

水田當講求水利多等堤堰

稻 黍 稷 菽 麥 豆

樹藝 隨土所宜

桑 麻 木 綿 諸果 蔬菜

春令民畢出在野有事于耕每月朔鄉師申諭及耕墾時

夏令民畢出在野有事于耔每月朔鄉師申諭及耔草時

秋令民畢出在野有事于穫每月朔鄉師申諭及收穫時

冬令民畢入在家有事于蓋藏每月朔鄉師申諭及檢節財用

社倉 參用文公法 今國有還上法而若又置社倉則官穀私穀民所食者甚多而受捧之際紛爭必甚國家

若罷還上移其穀為常平倉各面所在還上耗穀畫給民間
令民各出麥粟如隋義倉之制每百戶為一社立社倉則凶
荒有賴緩急有制公私俱便矣然此法必須得人而
官家時々申飭脩舉之義不為之干與然後無弊矣

凡秋成先上賦于官鄉長先期知會後至者報官鄉長決罰

凡秋成未上賦先償私債者治富人以罪沒其貲入官

義塚

每鄉擇一閑曠處流淳之無主者自鄉埋之

貪民無依而死者官給資

之埋

養濟院

每邑內設院一所選巫覡主擇知醫者主其事凡民鰥

寡孤獨及有殘疾不自養者鄉師報名入養濟院

一鄉社之備

每戶脩兵咒

弓鋸中一

木棍一條

貧者只

每統炬二條

微索二件

所以轉賊麻屨二件

所以追捕

鉾鉞一箇

所以警盜

每甲鑼一面每社中鼓一面

喇叭一箇

所以警衆

旗一面每鄉大鼓一面牛二隻馬三匹

每甲選健丁三名每社選藝士二名每鄉選韜畧士一名委以追捕譏察非常等事

凡地方有警每甲養健丁三名日糧三升每社養藝士二名糧倍之每鄉養韜畧士一名糧又倍之適相部署受指于鄉師而聽命于官司以居守器械馬匹惟其所用事已復初各村里仍聽自相團結

每鄉就地形要害處等成一堡

年々農隙隨毀完等

若有緩急則鄉民八保

器械糧資盡為輸運則賊來野無所掠不能久屯矣

每鄉各社相為群援賊小

則勒減之而賊大則入保之又官軍乘勢追擊節度鎮管以大軍臨之則賊必無所容而遁去矣

每鄉遇夜各村統長直夜者與巡更人搖鉦鉦明火炬依更巡察

若不謹警盜致有偷竊則各別治罪

一 鄉社之禁

停喪娶妻

同姓為婚

聚眾賭博

挾娼會飲

土豪武斷

好勇鬪狠

做債濫徵

憑公營私

好訟起鬧

止接荒唐

容留賊贓

惰農遊食

崇尚巫覡

妖術愚人

婦女上寺

廣設齋醮

凡一戶犯禁九戶舉之一甲容奸九甲舉之一社容奸九社舉之

一鄉容奸各鄉舉之司坊容奸上官舉之

附鄉社牌式

凡各戶以鄉長給票用私記各長用官票

某城

州府郡縣

坊

在邑

鄉

在外

社

甲

人

業係某籍

年

月

日來京自某

坊徙至 父某故某 母某氏存 兄某某業見往 弟某幾歲未 妻某

氏 子某 寄客某某親自 某某友自 僕從某某 成丁幾

丁 行稅幾多 門面幾間賃某房 月糧幾石 戶稅幾多 器

械幾件

年 月 日 甲戶準此出京繳票

某城 坊 鄉 社 甲長 人某籍係 年 月 日 自某坊徙至

一戶甲長 二戶某人某業 三戶某人某業 四戶某人某業 五戶

某人某業 六戶某人某業 七戶某人某業 八戶某人某業 九戶某

人某業 十戶某人某業

火燭相戒 盜賊相禦 憂患相恤 喜慶相賀 德業相勸

過惡相規

年 月 日甲長準此

某城

坊 鄉

社正

人

某業係某籍

年

月

日自某坊徙至一甲

社正

二甲某人

三甲某人

四甲某人

五甲某人

六甲

某人

七甲某人

八甲某人

九甲某人

十甲某人

火燭相戒

盜賊相禦

憂患相恤

喜慶相賀

德業相勸

過惡相規

年 月 日社正準此

某城

坊

鄉師某人

某業係某籍

必用土着士紳

一社鄉約長

二社某人

三社某人

四社某人

五社某人

六社某人

七社某人

八社某人

九社某人

十社某人

火燭相戒

盜賊相禦

憂患相恤

喜慶相賀

德業相勸

過惡相規

年 月 日 鄉師準此

右即古保甲法之遺制而誠為固國便民之要術也一切教化
一切政事皆寓于此若叅以呂氏鄉約及我朝先輩退溪寒
岡栗谷皆有鄉約法條已行之規略相櫟括而導行之則期月
之間斯已有效矣 宣廟朝欲行鄉約而時貢案方為痼弊栗
谷欲罷貢案以先富後教之說止之或者真知鄉約之不可猝
行殊不知鄉約行而民食可足也吁戊午至晦呵筆書

朱子社倉事目 附

宣教郎直秘閣新提舉兩浙東路常平茶鹽公事朱熹今具社倉事
目如後 一逐年十二月分委諸部社首保正副將舊保簿重行編
排其間在停藏逃軍及作過無行止之人隱匿在內仰社首隊長覺
察申報尉司追捉解縣 註云謂授縣吏 根究其引致之家亦乞一例斷罪次
年三月內將所排保簿赴鄉官交納鄉官點檢如有漏落及妄有增
添一戶一口不實即許人告審實申縣乞行根治如無欺蔽即將其
簿紐筆 註打筆 人口指定米數大人若干小兒減半候支持日將人戶
請米狀拖對 註謂以請米狀憑較厚薄也 批填 謂書填給米之簿 監官依狀支散 一逐
年五月下旬新陳未接之際預於四月上旬申府乞依例給貸仍乞

選差本縣請強官一貧人吏一名斛子一名前來與鄉同共支貸

一申府差官訖一面出榜排定日分註謂某都分都支散一日一都

曉示人戶產錢六百元以上及自有各依日限具狀狀內開說大結

每十八結為一保適相保委如保納逃亡之人同保證其逃亡也正身

十人以下不成保不支註云均傷取保謂通同保證其逃亡也身也赴倉請米仍仰社首保正副隊長大保長并各赴倉識認面目

照對保副如無為註當冒重疊即與簽押保明其社首保正等人不

其日監官同鄉官八倉據狀依次支散其保明不實別有情弊者許

人告首隨事隨行其餘即不得妄有邀阻如人戶不願請貸不得妄

有抑勒一收支米用註收捧也淳熙七年十二月本府給到新漆

黑官桶及官斛每桶受米五省半仰斛子依公平量其監官鄉官人

從逐廳只許兩人入中門其餘并在門外不得近前挨拶撻奪

註挨推也

擊也拶逼也撻刺也

人戶所請米斛如違許被擾人當廳告覆重作施行 一

豐年如遇人戶請貸官米即開兩倉存留一倉若遇飢歉則開第三

倉專賑貸深山窮谷耕田之民庶幾豐荒賑貸有節 一人戶所貸

官米至冬納還

不得過十一月下旬

先於十月上旬定日申府乞依例差官將

帶吏到前來

謂前來於社倉

公共受納兩平

註謂公私兩平

交量舊例每亦收耗米

二斛今更不收上件耗米又慮倉教

任當折閱

註欠縮也

無所從出每亦

量收三升準傷折閱及支吏到等人飯米其米正行

註謂明正施行也

附曆

收支

註謂收三升米於人戶而支給於吏到也

一申府差官訖即一面出榜排定日分

分都交納

先近後遠一日一都

仰社首隊長告報保頭、、告報人戶遙相糾

率造一色乾硬糙米具狀

同保共為一狀未足未得交納如保內有人逃亡即同保均脩納是註云未足謂所

納之數不足也

赴倉交納監官鄉官吏斛等人至日赴倉受納不得妄有阻

節及過數多取其餘并為給米

註謂收支米用淳熙以上三條事也

約束施行

其收支米

子要知首尾次年夏支貸日不可差換註差換以他人也

一收支米訖逐日轉上

註轉上本

縣所給印歷事畢日具總數申府縣照會一每遇支散交納日本

縣差到人吏一名斛子一名社倉算交子一名倉子兩名每名日支

飯米一斛

約半

發遣累足

註使喚下人之号

米二石共計米一十七石五斗

又貼書一名貼十一名各日支飯米一斗

約半

發遣累足米六斗共

計四石二斗縣官人從七名鄉官人從共一十名每名日支飯米五

升十日共計米八石五斗已上共計米三十石二斗一年收支兩次共

用米六十石四斗逐年蓋牆并買藁薦修補倉教約米九石通計米

六十石四斗 一排係武某里茅某都社首某人合同本都大保

長隊長編排到都內人口數下頂甲戶 大人名若干口小兒若干口居

錢若千或白烟耕田用店賣買土着外來係某年移來逐開戶註產

戶宋時以民之錢物多寡分為上中下戶謂之產戶白烟起無根着

而只得炊飯 餘開右某等今編排到都內人口數在前即無漏落

及增添一戶一口不實如招人戶陳首甘伏解縣斷罪謹狀 註招猶

也陳告也 年月日大保長姓名押狀隊長姓名保正副姓名社首姓

名 一請米狀式某都茅某保隊長某人大保長某人下某處地名

保頭某人等幾人今通相保委就社倉借米每大人若干小兒減半

候冬收日備乾粳糙米每石量收耗米三升前來送納保內一名走

失註猶事故保內人情願均備取足不敢有違謹狀年月日保頭姓

名甲戶開名大保長姓名隊長姓名保長姓名社首姓名

一社倉支貸交收米斛合係社首保正副告報隊長保長隊長保長
告報人戶如闕隊長許人戶就社倉陳說告報社首依公差補如闕
社首即申尉司定差 一簿書鎖鑰鄉官公共令掌其大項收支須
監官簽押其餘零碎出納即委鄉官公共掌管務要均平不得徇
私容情別生奸弊 一如遇豐年人戶不願請貸七八月而產戶願
聽者聽 一倉內屋宇什物仰守倉人常切照管不得毀損及借出
他用如有損失鄉官點檢勤守倉人備償如些少損壞逐時修整大
段改造臨時具因依申府乞撥米斛具位朱熹奏節文 一臣所居

建寧府崇安縣開耀鄉有社倉一所其法可以推廣行之他處欲望
聖慈行下諸路州軍曉諭人戶有願置立者州縣量支常平米斛責
付本鄉出等人戶主執歛散隨宜立約宗為久遠之利其建寧府社
倉見行事目謹錄一道進呈伏望聖慈詳察特賜施行十一月二十
八日三省同奉聖旨令戶部看詳聞奏

○綱目宋孝宗淳熙八年下朱熹社倉法于諸路其法以千家為甲
甲推一人為首五十家則推一人通曉者為社首其逃軍及無行之
士與有稅糧衣食不缺者並不得入甲其應入甲者又問其願與不
願之者開具其家大小口若干大口一石小口五斗五歲以下不預
置籍以貸之其以濕惡不宗還者有罰

又曰乾道四年戊子民間缺
食熹請於府得常平米六百

石以貸夏受粟于倉冬則加息計米以償自後隨年歛散歛蠲其息之半大飢則盡蠲之凡十有四年以原米六百石還府見儲米三千一百石以為社倉不復收息每石止收耗米三升以故一鄉四十五里間雖遇歉年民不缺乏食○綱目廣義曰社倉法通百世而無弊者也

○朱子曰世俗之病此者不過以青苗為說以予觀之青苗立法本意未為不善但其給之也以金而不以穀其處之也以縣而不以鄉其職之也以官吏而不以鄉人士君子其行之也以聚歛亟疾之意而不以惻怛忠愛之心是以王氏之能行於一邑而不能以行於天

下

金華社
倉記

按救荒之術莫善於社倉法世無古今地無華夷若欲行之則歛散之規當如朱子舊制其有合變通者亦叅以土俗隨宜立法如

今契憲規模既成告官遵行與鄉社法合而為一約中推擇士居或寄寓朝官士人之有行義者主其事而鄉父老公共措置本官則但勸助興修而已不得干預勾管然後可無掣肘之患或曰今日還上即是義倉之遺制何必更立社倉且社倉復立則民困於公私之輸益增其流亡矣曰義倉之法始於隋長孫平其制令民每秋家出粟麥一石已下貧富為差儲之當社委社司校檢以備凶荒隋制百戶為一社賑飢之道莫要乎近其人隋義倉取之於民不厚而置倉於當社其力易周故民之受惠深而其法甚簡此最得其宜也後世雖有義倉之名而置倉州郡官吏勾管歛散之際民受其弊今日還上即後世義倉之失本意者也其法與宋青

苗法無少異但有歛錢收穀之不同耳生民之愁歎失所案由於此先輩之言曰置常平倉於州府立義倉於鄉社可謂善法還上不廢則社倉法不可行果如子之所言矣今若以列邑所存還上本穀為常平倉定鄉社之制而令民出穀如隋氏或量貸官穀寬限十數年其息米優足然後還償元穀使常平之權在上而物無甚貴甚賤之時社倉之制在下而國無移粟移民之政二者兼行則儲畜廣而凶荒有濟緩急有賴計無過於此矣夫社倉有百利而無一害但或失其人則有土豪專利窮民失養之患此則立法嚴明隨時修舉之得宜而已不可以此而謂法之有弊也

王陽明十家牌法 附

告諭各府父老子弟曰本院奉命巡撫是方惟欲剪除盜賊安養小民所恨才力淺短智慮不及雖懷愛民之心未有愛民之政父老子弟凡所以匡我之不逮苟有益於民者皆有以告我當商度其可以次舉行今為此牌似亦煩勞衆中間固多詩書禮義之家吾亦豈忍以狡詐待衆良民便欲防奸革弊以保安衆良善則又不得不然父老子弟其體此意自令各家務要父慈子孝兄愛弟敬夫和婦隨長惠幼順小心以奉官法勤謹以辦國課恭儉以守家業謙和以處鄉里心要平恕無得輕意念爭事要含忍毋得輒興詞訟見善互相勸勉有惡互相懲戒務興禮讓之風以成敦厚之俗吾愧德政未敷

而徒以言教父老子弟其勉體吾意毋忽

輸牌人每日仍將告諭省曉各家一番

十家牌式

某縣某坊

某人某籍 某人某籍 某人某籍 某人某籍 某人某籍

右甲尾某人

某人某籍 某人某籍 某人某籍 某人某籍 某人某籍

右甲頭某人

同牌十家輪日收掌每日酉牌時分持牌到各家照粉牌查審其
家今夜少某人往某處幹某事某日當回某家今夜多某人是某

姓名從某處來幹某事務要審問的確仍通報各家知會若事有可疑即報官如或隱蔽事發十家同罪

各家牌式

某縣某坊民戶某人

某坊都里長某下甲首軍戶則云某所總旗小旗某下匠戶則云某里甲下某色匠客戶則云原籍某處某里甲下某色人見作何生理當何處差役有寄庄田在本縣某都原置某人田親懲保佐人某、若官戶則云某衙門某官下舍人舍餘

若客戶不報寫庄田在牌者日後來告有庄田皆不准不報寫原籍里甲即係來歷不明即須查究

男子幾丁

某

某頂官見任致仕在京听選或在家

某

某處生員吏典

某

治何生葉成丁未成丁或往何處經營

某

見當某差役

某有

何技能

某

某

某

見在家幾丁

若人丁多者牌許增闊量添行格填寫

一婦女幾口

一門面屋幾間

係自己屋或典債某人屋

一寄歇客人

係某人

慶人到此作何生理一名開寫浮票寫帖客去則揭票無則云無

照得本院巡撫地方盜賊充斥回念禦外之策必以治內為先顧蒞

事未久尚昧土俗永惟撫緝之宜愾然未有所措訪得所屬軍民之

家多有規畝小利寄住來歷不明之人同為狡獪欺竊之事甚者私

通輦賊而與之傳遞消息窩藏奸宄而為之盤據寅緣盜賊不靖職

此其由合就行令所屬府縣在城居民每家各置一牌備寫門戶籍貫及人丁多寡之數有無寄住暫宿之人揭於各家門首以憑官府查考仍偏十家為一牌列開各戶姓名背寫本院宣諭日輪一家沿門案牌審察動靜但有面目生疎之人踪迹可疑之事即行報官究理或有隱匿十家連罪如庶居民不敢從惡而奸偽無所潛形各掌印官依式沿街逐巷挨次偏排務在一月之內了事該道亦要嚴加督察期於着察施行毋使虛應故事仍令各將偏置過人戶姓名造冊繳院以憑查考非但仍事以別勤惰亦將施罰以示勸懲

○又申諭曰十家之內但有爭訟等事同甲即時勸解和釋如有不听从勸解恃強凌弱及誣告他人者同甲相率稟官之府當時量加責

治省發不必收監淹滯凡遇問理詞狀但涉誣告者仍要查究同甲不行勸稟之罪又每日各家照牌互相勸諭務令講信修睦息訟罷爭日漸開道如此則小民益知爭鬪之非而詞訟亦可簡矣凡十家牌式其法甚約其治甚廣有司果能着察舉行不但盜賊可息詞訟可簡因是而修之補其偏而救其弊則賦役可均因是而修之達其外而制其體則外侮可禦因是而修之警其薄而勸其厚則風俗可淳因是而修之導其德而訓以學則禮樂可興凡有司之有高才遠識者亦不必更立法制其於民情土俗或有未滿但循此而潤色修舉之則一邑之治真可以不勞而致今特略述所以立法之意再行申告言之所不能盡者其各為我精思熟究而力行之

○又申諭增立保長曰先該本院通行撫屬偏置十家牌法為照各甲不立牌頭者所以防賁制侵擾之弊然在鄉村遇有盜賊之警不可以無統紀合立保長督令庶衆志齊一為此仰抄案回司即行各道守巡兵備等官備行所屬各府州縣於各鄉村推選才行為衆信服者一人為保長專一防禦盜賊平時各甲詞訟悉照牌諭不許保長干與因而武斷鄉曲但遇盜警即仰保長統率各甲設謀截捕其城郭坊巷鄉於各於要地置鼓一面若鄉村相去稍遠者仍起高樓置鼓其上遇警即登樓擊鼓一巷擊鼓各巷應之一村舉鼓各村應之但聞鼓聲各甲各執器械齊出應援俱听保長調度或設伏把隘或并為夾舉但有後期不出者保長共同各甲舉告官司重加罰治

若鄉村各家皆置鼓一面一家有警舉鼓各家應之尤為快便此則各隨才力為之不在牌例之內俱仰督令各縣卽行推選增置仍先諭遠近使各知悉各府仍要不時稽察務臻宗效毋得虛文搪塞查訪得出定行究治不貸

十家牌法有司果能着宗舉行則處々皆兵家々皆兵人皆兵防守之備既密則追捕之兵自可以漸減省以節民用以寬民力但今有司視為虛文未曾宗心修舉仍仰各官務要用心舉行不得苟且因循惟事支吾目前徒依繁亂自弊之術以為上策反視易簡久安之法以為迂緩噫果有愛國之誠心處官事如家事者其忍言者之淳淳而听之乃余其願々耶

按愚聞之師曰陽明十家牌雖倣鄉約餘意而必將有弊凡政
苛則犯衆犯衆則不可不治如是愚氓橫罹而多怨不可為也
然其爭訟也必使十家同聚先訴父老仔細評議某是某非畧
舉爭鬪之所以起具為文狀然後決于官長則似亦有補不知
畢竟效害如何也

臨官政要附錄終

